

海龍縣志

第八冊

海龍縣志卷十三

種族

族姓顯晦每關世會之興衰種類隆替嘗以國運爲轉移種族之關於地方者蓋亦重矣此誠誌乘之所必載者也惟在海龍則有不同於各地者實以地在遐荒偏居一隅唐虞三代之肅慎也傳其名矣而事蹟無考漢魏隋唐之玄菟與樂浪也聞其郡矣而究竟難徵宋元遼金此誠女真之舊址及於有明則輝發窩集葉赫等部落各已見於記載實與海龍爲近而其遺民則未聞爲誰氏也有清一代之海龍先爲圍場之禁地也夫所謂圍場寔卽古之苑囿也旣爲苑囿則其地只以居木石遊鹿豕耳住居族姓將於何有至光緒初年始

就此地招懇而設縣治所有民族除懇殖之農民與懋遷之商賈並有八城十六邊門酌撥之旗兵資以寔邊而兼填防其人率爲流虜者多是則六十年前之海龍誠猶寂落之荒隴也卽人烟而無之又何有於居民迨後地方日益繁盛人民日益走集殆亦多爲寄居而無久於斯地之土著也其氏族種類亦至不一滿蒙漢回多以就食而卜居焉近且爲植稻韓僑營商日人所爭赴者間有白俄亦以獵食而居斯地族姓紛糅又更流徙而無定居其興衰隆替多已莫可究詰縱其間有住居在三十年以上之家要皆寒微無關記述卽有少數之能與地方同休戚共甘苦者亦寥寥而無幾也然在縣誌方面記載世族又成例也是以不得不爲撫拾而攬集之列爲一門以

脫漏之誚而已

民族

謹按本邑地處東邊六十年前爲一荒蕪之獵田入其境樹木參天
草萊蔽地鹿豕縱橫人民稀少惟獵虎射熊掘葎採葯者結隊打圍
穴居野處而已直至有清光緒初年始設官分治丈放土地招徠人
民聽其開墾而城後北山一帶又爲圍傷封禁之地孟子所謂爲井
於國中殺其麋鹿如殺人之罪者是也其所放之地以分水嶺爲界
在東爲東流水在西爲西流水吾邑西自白銀河伊通河三通河柳
河諸流域東至輝發江上遊而止蜿蜒二百餘里沿河兩岸土質肥
沃物產豐厚實屬膏腴之田明末清初三邊六門各地民衆接踵而

來衣於斯食於斯大有舍我故墟逝彼樂土之勢伐木造屋斬荆闢地集人成家集家成村五谷豐登四民樂業而兩鎮一城之工商業日益繁盛溫暖適宜氣候大變非從前閉塞之景象矣然來居茲土者并無大家富戶豪門巨族其來之主因或爲衣食困難或爲生計逼迫或一人而先來或舉家而全至個中情形不一而足蓋塞外多寒人多疾病久居之多患水土病其或稍有資產家境充裕者故土難遷咸懷戒意凡移家東來者多爲金復莊岫各縣人民以言民族滿漢雜居以言種族南冠北鳥產業旣未開發文化當然落後及光緒二十年以後教養蕃殖進於禮樂自此人文薈萃英才類出已蔚爲大邦焉在昔地近山林素質獷悍除出作入息鑿飲耕食外其他

關於政治得失人物臧否於我無關我亦不問其中雖有一二智識階級文明領袖仍爲外籍之人曷敢有望於土著耶若與歷史深長文化昌盛各縣較殆霄壤相懸不可同日而語民國以來數經變亂根基尙未鞏固元氣尤遭斲喪迨滿洲立國實行王道政治天視民視天聽民聽人民安居樂業工商櫛比鱗次國家建設此其時矣茲就已往之人物及現在之氏族從實記載不加粉飾繼往開來用垂模範將來有所矜式或以此爲嚆矢乎且於鳳毛麟角古柏蒼松外降而求庸中佼佼表而出之以爲吾縣人物之光榮也庶乎得之矣

光大門楣

本縣縣城東門外馬氏爲海龍巨族之一其最持家有恆者爲馬長

純字嘏忱兄弟六人嘏忱行三均半農半商勤儉作業屢輟屢興初清光緒二十年馬原籍牛莊因避亂携家北上行至鐵嶺南徘徊歧路罔知所嚮乃謂其犬曰汝何往吾儕卽從之行該犬旋搖尾東行車隨其後行數日至海龍城止焉全家將塵裝脫卸襪被賃屋而居是時東門外僅有住戶三四十家小商二三家馬氏兄弟以半數爲農以半數營商商爲糧米業嘏忱是年十九歲詎時數限人命途多舛每積蓄小康不遭穿窬即遇拆白諸昆季雖遭受打擊家道中落然進取之心愈蹶愈振洵有兄弟同心其利斷金之雄風延至清末民初嘏忱億則屢中財冠儕輩乃爲工商界所推崇嘏忱短小精幹深明物理且記憶力堅強從未貽悞一事忽略一物其腦海充盈有

如此者其他諸兄弟皆惟嘏忱馬首是瞻未念載積資五十餘萬元東豐輝南均設有釀酒業兼營糧業（俗曰燒鍋）縣城設富源長商號兼營糧棧朝陽鎮設雜貨商資本雄厚營業鬯旺每年應得糧租四千石擁有土地二萬畝語云財雄族旺勢所當然全家人口激增上達六十餘名口其家居東邊門裡其房屋則接榱連營其墻垣則峻壘崇墉望之如一斗城焉鍾鳴鼎食犬吠鷄鳴入其居儼然一小部落宅之西爲馬氏育英高小學校係個人捐資勗辦歷時甚久儲才極多嘏忱前令兩次膺商會會長迭著勤勞現因經濟衰落市面蕭條馬氏遭受經濟壓迫債產尙能兩抵幸嘏忱爲商界巨擘卒能運用鐵腕征服惡劣環境噫嘏年六十精神矍鑠日以一身而分担

家事櫃事會事凡百事務革諸一身或曰君曷移家事於某子姪以分其勞乎良久嘆曰無一可託之人或又曰君百年後不託自託豈非一悞再悞耶乃一笑置之

家業繁興

本縣縣城東關商號東興成財東王富江字岷源人稱王四麻子與馬嘏枕角逐市廛稱雄一邑舊有馬三王四之稱昔在舊政權時代王代省長永江聞二氏擅長經濟富甲一方因囑縣長竇公邀二氏赴省詳詢致富之理由並對地方財政有所諮詢及接見則爲普通商人聆其言論觀其風采較所見次於所聞稍談東邊商況即遣其回縣由王省長各贈匾額一事以旌其能王爲金州人幼走東邊爲

一游商初事田疇嗣見商務大振於東關大街開設東興成商號西門外開設東興湧燒鍋東豐輝南各設支號其土地遍海龍東豐而有之均爲膏腴之田其財勢與馬相伯仲王財較馬優王七長商會一任公欵處聲譽炫赫財力豐亨佔東邊經濟界第一把交椅降王民國二十年因經濟緊縮農商瀕於破產而一方財閥王公富江因年老氣衰殆有夕佳惜晚之嘆王於大同二年七月間作古草草殯葬維時其營業與收益漸覺入不抵出家大族繁早已析居各度王之子名文超年少老成頗諳事理另延宿儒在家塾攻讀側重國學一科文超與其母同爲海龍紅正字會有力修方日在該會耽經篤道不稍間斷論者謂王尙有妻有子亦樸厚之報也其餘各族日就

式微似此雄厚家資僅一世而斬撫今追昔不勝人天之感其商號半存半亡若斷若續殊可慨也

五世同居

吳君耀祖字翰臣忠誠且勤樸耐勞原配牟氏生一子名維藩繼娶張氏生一子名維翰原籍係奉天海城縣東四面城人祖業凋零度日艱難於清光緒三年隻身田家起程帶東錢七吊除沿途花用外僅贖錢兩吊至海龍縣西第五區梅河口福善村地方彼時海龍尙未設治觀其地勢平坦山青水秀日後可以發展遂在該處開地數晌建草房三間翌年回籍遷全家而居焉但新遷伊始人少樹多荒山野地又兼手中空乏困苦以達極點惟有晝耕夜績終日勤動日

積月累得置良田三千餘畝建築瓦草房一百餘間先開棧店次改爲燒鍋油房生理清季土匪竊發君於是辦團練以護桑梓科舉停頓君於是創學校以養子弟蒙賞給熱心餉學匾額一方至今懸掛民國三年奉省令第一次召集鄉老鄉民公推赴省鄉老會議現年八十三歲精神矍鑠有子二人孫四人曾孫八人玄孫一人五世同堂一門雍穆男女共三十三丁口無勃谿聲男耕女織各有常職男則循規蹈矩女則貞靜幽閑苦非吳君治家有法教子有方曷能臻此二子現均爲商令其長孫連芳執掌家務並經理櫃事仍效其祖父勤儉家風其次孫連科奉天保衛團員講習畢業歷充保衛團團總地方自治收捐處收捐委員縣農會會長兼電話局局長嗣選爲

奉天第四屆省議會員歷充警甲要差其孫連貴業農其四孫連元
縣立中學畢業歷充警甲要差現充第四區區官其曾孫八人或經
商或讀書各有職責曾孫士珍士奎現均考入奉天東北學生隊其
家聲之遠大當不可限量也玄孫兆梅今方六齡聰穎異於常兒足
徵君之培養有素焉

按吳君幼年習商壯歲爲農辛苦歷六十年而子孫環列阡陌連
綿同五世之堂享八旬之壽而且童顏鶴髮康健異常誠當代之
人瑞也

九世同居

曲仁祿字受天縣屬三區野猪河人原籍山東蓬萊縣自其六世祖

四五遷奉天之金州迨九世祖始移家於野豬河時清光緒五年也
今同居九世家口百餘猶無勃谿之聲民國九年縣農會聞其事於
縣知事湯獎以九世同居匾額縣又聞之於政府民國十年內務部
頒發紅綬銀質寶章一座大總統馮獎以匾文曰鄉里矜式。

海龍縣志卷十四

禮俗

禮爲敦教之本俗仍宣化之源初循爲例久沿爲俗周公制禮旁及民風商鞅立法兼搜習慣人而無禮不可以爲人國而無俗不可以爲國孔子曰質勝文則野文勝質則史文質彬彬然後君子禮猶文也俗猶質也必文質相勝始開禮樂之漸夫子又曰先進於禮樂野人也後進於禮樂君子也蓋禮制俗先諸無所本禮制俗後信而有徵故先進爲野人後進爲君子三復斯言則拳拳撫膺焉

海龍昔隸禁地一片荒陬咸同兩朝禁令稍弛內地勞農潛來私墾未數年而山城朝陽與縣城三處漸成集團部落至光緒朝奏請丈

放准民報領然後置官設治闢一行政區域是時懇民多爲漢人駐
兵悉爲滿人滿人禮俗半採漢制然漢人定禮而不明禮滿人學禮
而不失禮周旋進退禮讓爲先漢習於滿久已治爲一爐但兩制雜
揉不識某爲漢制某爲滿制也同化之功由來者漸今吾邑禮俗可
謂滿漢相間無此畛彼域之分

婚

家有子弟如屆冠婚之年父母爲之定親此（古禮也古二十至二
十五歲爲冠今由十四至二十歲爲成婚期）一般社會習慣凡爲
家長者（如父母）猶在中年且擁有資產其子甫屆十二三歲或十
五六歲双親望孫情切笑博含飴乃爲子訂婚子媳年齡恒超其子

四五歲或六七歲迨迎娶過門媳則情竇大開子尙人道弗解花晨月夕睹景傷情其門庭清白受有家庭教育之子媳自怨自艾獨嗟薄命如秉性輕浮行爲不檢者或花前密約或月下佳期馴或中道佻離琵琶別抱而離婚淫奔之惡風愈演愈烈及其子年成駿業其妻已面縐鷄皮不得已別納小星（妾）專房擅寵惟是嫡庶勃谿之聲達於隣里乃爲一鄉所竊議海龍此風甲於各地早婚之害曷可勝言茲將訂婚與迎娶始末情形分誌如左

一、訂婚 民間普通訂婚男家或女家有相契親友鑒於雙方門當戶對代作永人（卽媒妁）先將兩家男女生辰八字互示各主婚人男家持年命帖（卽生辰八字）赴星相家推算如合年命卽

由媒妁通知女家擇日訂婚俗曰換盅又曰下定男家備金銀耳墜一挂或金手鐲一枚彩禮洋五六十元至百元由女家設筵款待並開紅單註明女方要求衣物妝飾品若干件豬酒費若干元（以男家財力定其限度）交男家屆期照數製備

二、彩禮 双方婚姻既定閱一年或三四年（視男女年齡）男家

涓吉某月某日某時迎娶并擇婚期一月前某日爲過禮期（女方曰納彩）先由媒人通知女家屆日男家携禮物四盒及前次要求衣物裝飾品如數備齊送交女家接收往往因男家備品不齊食言而肥女家向媒人詰責發生惡感此事數見不鮮女家有
大辦小辦兩說大辦設席接禮小辦不動親友有與女方贈送妝

匿者謂之填箱

三 完婚 男家屆所訂之吉日先一日爲安櫃箱殺豬搭棚張筵設彩鼓樂奏於門酒肴置於厨女家僱人將各妝奩包封舁送男家謂之過嫁裝鄉間多有隨女家送親携往者及將新親延接入室再將嫁裝一一安置室內紅男綠女咸來瞻仰不誇刺繡好卽稱活計高(活計指各刺繡品而言)門外置花轎二抬先一日沿街抬走謂之晾轎鼓樂齊鳴鬨動全市男家指定男女二人招待娘家客每日於正餐外夜間尙須餉以酒食俗日消夜酒翌朝爲新婚正日新郎乘輪或騎馬盛服而詣新娘處(近在母家遠假親家)行親迎古禮音樂隊(城市有之鄉村無之)或鼓樂班吹

鳴左右以壯聲色新娘華壯週身著紅襖袴（名曰拉草）由其內
兄昇入轎中再由送親婆另車伴送來行甲路回走乙路謂之大
娶大繞新郎前導新娘繼隨至男家門口先將大門掩閉半刻謂
之耐耐性輿止院內又由娶親婆扶新娘降輿頭蓋紅巾不露面
目脚踏紅毡導至供棹前（棹置一斗上插秤杆）無鉈棹向南新
郎左立向北新娘右立亦併肩向北由贊禮者唱跪、叩首、再叩
首、三叩首興、僅新娘一人行禮新郎立而不動名爲拜天地自
古女拜男不拜不知何意詢之年長者則所答殊不近理禮成由
迎送兩婆扶一双新人男前女後沿地鋪紅至寢門新娘則由馬
鞍上跨過再至帳房前新郎用秤鉤將新娘紅巾揭下於是盧山

以真面目至此全部畢現矣女入帳房坐帳男出門待客而男家親友咸向其父母賀曰大喜大喜主答曰同喜同喜新郎亦隨雙親答禮別設喜賬凡來祝賀者皆至賬房寫禮次入席就餐餐畢或去或留由客自定大抵至親則留朋交則去以備來朝分大小之預備屆時新娘下地由導者引至院內抱木柴少許送入厨房並搗灶潑缸以爲來日操作姿勢旋換新服與新郎共坐而食子孫饍饍內弟坐陪名曰管小飯女家須賞鼓樂厨夫喜錢晚間未入洞房以前男女飲交杯酒即合巹也法以紅繩繫銅錢二枚置杯中男女換飲謂之合巹旋入洞房就寢女家客有於此日行者又有於第三日行者古辦三日今改二日蓋崇儉也近日豪貴人家

改用文明結縉用費省而行禮簡都市內多有仿行之者將來普及鄉村則舊俗或漸革除

喪

凡直系尊親屬於病篤易簣時先由兒女洗其髮膚著以衣衾（用綢不用緞蓋避緞子與斷子之同音）傍咽氣時將屍體移置木籩上上蓋蒙臉紙手足縛以紅繩謂之絆脚絲口含珠玉或古錢手握銀鏢死後由長子止路繼赴蘭若報廟過一夕畀屍入棺每日赴廟送漿水飯三日送三并取用靈水延僧道唸經鼓樂喧闐門首挂殃榜並插引魂旛男左女右如放百日或七期或一二期視喪家財力以定其長短期院內打棚高與雲齊每期辦一次孝家在靈幕內守

孝一切事委人代辦如喪家爲世代簪纓至期成主須於事前籌備妥協豫聘科舉時代之功名人爲點主官屈開弔日先將木主陳於供棹其點主程序列於另節閱者參考各親友有贈彩幃挽聯者有贈花圈紙箔者有財力之喪家紮紙柴活動需千萬元或數百元數十元不等開弔日陳列門外任人觀覽孝家復有散孝之舉凡親友臨弔者人各贈白布孝袍或孝帶各一事亦有弔客自行携往者最後辦三天第一日爲奉經日第二日爲開弔日是夕舉行家奠第三日爲發引日每日設宴供客備極優隆此之謂可以當大事有辦一喪事而耗家資十分之四五者世俗糜人抑何可哂孔子曰生事之以禮死葬之以禮庶乎可矣奚必窮盡奢侈轉增人子虛耗資財之

罪在普通農村遇老人喪事因限於經濟問題大半以三日爲殯葬期僅紮一馬一牛或一童作爲冥化品其餘一概從儉所謂人死入土乃爲當然之事若陳屍室內亘百日或五十日炎天溽暑臭味蒸騰且死者與生者併室同居殊外衛生要素此俗亟宜革除勿再流行於世不甯惟是每見豪門富室置老人所愛之珠玩玉器於棺內謂之殉葬物日久年湮防守稍疎盜卽乘之年來崇墳巨塚被人掘發者比比皆是是光其親而反累其骨也後世葬墳者應以此爲爛戒近來高等社會其在守制期內均不身穿孝服乃於左臂纏以青紗刪繁就簡是合於道望一般民衆效而行之力加改革是所切盼

女子自古年臻及笄待字閨中遇近親眷屬時相過從深知女子心性行爲差堪信任輒向各友好家盛稱女子才德然後有男家欲訂聘之須轉託第三者代任媒妁雙方探視門第相宜始由媒人玉成其事亦有男女兩家家長情投意洽願結秦晉之好再浼冰人居中證明此之謂愛好結親也近世風氣大開打倒廉恥凡男女婚姻不注重父母之命媒妁之言端側重兩性方面自由戀愛結婚絕端開放所謂結婚自由離婚亦自由然由戀愛方面所結合者往往始亂終棄致令女子墜入深淵而不可拔援但反觀舊式婚姻其許可權均操諸雙方主婚人男女均不豫聞有類強制婚姻總之新者太解放舊者太專制真無過猶不及也執兩用中望家長折衷行之茲再

詳述本縣婚姻制度如下

1. 女屆婚期有第三者或男或女出任騫修甲方之女而欲偶乙方之男先由女家遣媒赴男家磋商雙方主婚人各將兒女審視一回如條件相合即擇日訂婚設男家矚女家門戶相當女子性行可取亦俛媒人前往提親苟兩家意見一致再由媒人通知兩家訂日換虛此婚媾之開始情況也

2. 婚書本爲婚事證明文件在昔訂婚各執媒柬或龍鳳帖千里迢迢兩門寂寂異日相逢各以媒柬龍鳳帖爲證近世改用正式婚書異常便利當婚姻成立時先由男家購領婚書二件註明雙方主婚人介紹人及男女兩方氏名年齡籍貫生年月日或按名蓋

章或捺印指紋舊式婚姻多於訂婚時購備婚書新式婚姻則於
迎娶日訂購文明結婚當場蓋印又有始終不領婚書一經查出
罰令補領此訂購婚書之經過情況也

3. 女家要求男家給予双猪雙酒財禮洋數十元或一二百元又四
季衣服簪環首飾一屆過禮之期男家如數備齊送交女家往往
因備品不齊雙方發生口角作媒人者居間調和言歸於好從前
所娶猪酒聞爲女家納彩時之用到日須備齊送往女家近則折
合銀錢不交猪酒亦省事之一法耳其餘一切情形已於「婚」之
納彩欄內詳細說明茲不復贅

祭

民間普通祭禮一年分爲春夏秋冬四節春爲清明節夏爲盂蘭會
秋爲小陽春（十月一日）冬爲除夕春祭墳墳夏祭掃墓秋祭送寒
衣冬祭辭舊歲又土祭爲春秋丁日記孔軍警祭爲春秋戊日記關
岳農祭爲六月六日（舊歷）虫王會與十二月二十三日灶君糖祭
工祭各爲其祖師之生辰日獵祭爲三月十六日山神生辰商祭爲
舊朮新正財神祭普通祭祀有歇工者有不歇工者亦有沽酒聚飲
與釀資美食者辦法不同各隨習慣其祭祀有殺豬宰羊者有拈香
焚紙者又有供菜奠酒并佐以饅首脯脯者祭畢則以祭品分食家
人或儕輩又滿洲人有春秋郊祭之舉行即祭索倫杆屆日（記得
春爲四月一日秋爲十月一日）張布棚於郊外青草地殺豕宰羊

如法祭奠其祭法用酒灌畜耳畜搖耳則曰領牲旋將猪羊肉用火
燔烤後再投釜煮熟分食與祭各人名曰虎白肉味甚甘美春秋多
佳日乘興登臨一覽江山之勝其暢快爲何如也

民風

海龍自設治以來所有旗民各戶或來自各城及山東河南直隸吉
林諸省或撥自義州等八城或撥自饜陽等六邊及金州復州蓋州
等處箕風畢雨性情各殊且北調南腔語音各異然勤儉耐勞則一
也蓋背井離鄉者流以一擔而挑細齒往往至此而止焉故富民少
而貧民多但迫於生計困苦不得不胼手胝足終歲經營其勤儉耐
勞勢使之然也其子若孫遂相沿成風矣

嫁娶（又一稿）

海龍各戶對於婚姻之禮皆重媒妁或男家往女家求婚或女家往男家求婚先託親友介紹對男女雙方大加品題在將成未成之際男家偷往女家相看謂之看姑娘女家偷往男家相看謂之看門戶看妥後兩家各索庚帖覓星士推算謂之合婚如無妨碍始備簪珥布帛等品納之女家女家備酒肴而男家與媒妁同至女家謂之換盅又謂之過小禮此家家之通禮也至嫁娶之時各隨其原籍之風俗習慣禮節稍有差異吉期前六十日遣媒人送饅首六十枚於女家謂之通信吉期前四十日遣媒人送茶禮於女家謂之過大禮然有行之者有不行之者迨至吉期擇一雙日女家送妝奩於男家或

用車載或用人抬男家接到後布置洞房中謂之安櫃箱行之者居多數惟吉期前一日所行之禮各異其在豐厚之家備酒席邀親友結彩搭棚爲女送嫁貧家則略請親友數人以備送嫁而已此女家大概之辦法也男家之豐富者於吉期前一日鼓樂齊鳴人馬行列擁新郎至女家行親迎禮然此種古禮金復州人常用之其他各戶行之者尙少新婦進門降輿後首蒙紅帕與新郎並立香案前分男左女右雙雙交拜俗謂之拜天地然亦有男拜而女不拜者拜畢新郎先入洞房少坐卽起立門側揭新娘前帕謂之揭蓋頭新娘抱寶瓶於懷入洞房向吉方坐謂之坐福此漢人則然也滿人先入帳房或夜半或翌晨始入室至於男家設酒席以款賓客晚間新郎新娘

對坐食麵謂食寬心麵間有不分長幼於洞房中取樂謂之鬧洞房然此種鄙俗行之者已僅見之矣翌晨新郎新婦交拜祖先然後拜父母拜宗族戚友以別長幼尊卑謂之分大小越三日新娘偕新郎歸寧母家謂之回門此婚嫁之大概情形也近年行文明明結婚者亦間或有之

喪葬（又一稿）

喪葬之禮吾邑與各縣大略相同當父母疾革時爲之濯足爲之沐首謂之易衣服衾褥然後移置牀上氣已絕蒙面以帛含口以錢繫足以絲而心口上置一磁碟內盛白水少許子孫登高處呼父母謂之指明路全家舉哀子孫躬赴土地廟焚香楮灑漿水哭而歸俗謂

之報廟然亦有去而哭歸而不哭者歸而哭去而不哭者來往皆哭者亦間有之此人民之土著不同而禮俗亦不同也然連報三次則一也報廟後按死者壽數綴海紙一串縛之竿端掛於門旁分男女女右謂之掛裏頭紙此漢人之風俗也按死者壽數疊白紙剪爲三連書死者姓名年歲亦有用布帛者書法與書白紙同男左女右繫竿門外曰門旛此滿人之風俗也卽日裁粗白布爲衣曰孝衫書白紙爲帖分送親友曰訃聞當日或異日或三日盛以棺曰入殮用心口上磁碟之水畫死者之目曰開眼光棺上置米飯一碗插棉花團三日倒頭飯定長釘一枚曰壽釘定時子孫大呼躲釘靈前燃長燈設瓦缶焚化紙錢至第三日親友畢至爲死者送行而喪家亦有備

酒席以款待者死七日於是夜五更時子孫跪烟筒下向高號泣謂之上望富家有扎望鄉台者至於停喪日期視其家道之有無以爲衡或三日或七日不等至葬期於前一二日請禮賓接大賓致祭題主並延僧道修經此富貴之家則然也貧家不過備一班鼓吹家奠而已及葬術者先開壙點穴子孫執旛扶櫬與親屬同哭送日出殯親友致祭或撒紙錢於道曰買路錢及墓祀土神祓除不祥祀畢乃下葬葬三日詣墓哭奠並覆以土曰圓墳子孫於是日脫孝衫然慎終之禮盡而追遠之禮猶未盡也

附成主與禮祭儀文

(通)

執事者各執其事

司樂者報鼓三通啓孝簾引孝眷出

孝幃

(引) 升階降階詣階前就位序立

(通) 引主祭者盥洗

(引) 詣盥洗所濯水淨禮畢

(通) 復位

(引) 詣階前就位

(通) 跪拜興拜興拜興平身迎神引主祭者詣神案前

(引) 升階就位

(通) 跪拜興三次獻毛紗獻毛血獻帛平身拈香

(引) 炷香三次

(通) 酌爵跪

(引) 奠酒三次拜興三次

(通) 平身引主祭者復位

(引) 降階就位

(通) 跪拜興四次平身引主祭者入幃行初獻禮

(引) 詣靈位前升階降階跪奉匙箸獻酒獻果獻肴獻麵獻羹

獻饌

(通) 伏俯垂孝簾闔戶掩燭樂工侑食作樂

(通) 樂止啓戶秉燭冢婦獻茶冢婦跪冢婦退興啓孝簾引主

祭者出孝幃

(引) 詣階前升階降階就位

(通) 跪四拜四興平身引主祭者出孝幃行亞獻禮

(引) 詣靈位前升階降階就位

(通) 跪讀祝者讀祝讀祝者跪讀祝者退餘同初獻

三獻同初獻

(通) 引主祭者與助祭者捧祝帛毛紗恭詣燎位

(引) 燎位前化帛焚祝

(通) 望燎引孝眷入孝幃舉哀

令節

自民國開幕改行陽曆然行之者惟各官廳各學校亦不過輕描淡

寫未若舊曆年之盛也况海龍地處邊陲風氣尤不易開乎故每屆舊曆年終以是夕爲除夕家家用海紙金箔等物折疊成包至十字路口焚之曰燒包袱中堂陳列供品香煙縹緲燭影輝煌殘祭先祖子孫先向先祖行禮後向尊長行禮曰辭歲尊長爲子孫預備壓歲錢兒童繞膝爭分曰分歲夜半於庭前設香案向財神方位拜是時燈火照耀如白晝爆竹之聲不絕如縷俗謂接神接畢子孫向先祖木主前及尊長前行跪拜禮曰拜年然後食水餃曰元寶餃煮爛故曰今年掙了即掙錢之意間有浮飯杓於餃湯身懷鏡子一面以飯杓所指方向爲出行之方向偷人間第一語以下一年之休咎曰鏡聽然此種習俗行之者絕少也惟對於是日皆說吉利話曰履端爲

普通之風氣耳黎明家家煮水餃食畢華裝盛服躬往各親友處投刺拜年而親友亦禮尚往來所以千家萬戶門庭如市亦有於十五日以前拜晚年者正月十五爲元宵節懸燈籠奏雅樂滿城簫鼓慶祝豐年間有雜演秧歌龍燈旱船諸戲並燃放花炮盒子火樹銀花眞爲不夜之天二十五早餐皆煮黏米乾飯佐以豆盛之於碗置於米箱上曰填倉二月二日俗謂龍抬頭各家由門首至井沿撒一灰綫曰引龍又以灰綫撒成圓形曰撒灰囤清明距坟近者躬親祭掃距坟遠者備香楮酒肴望空致祭近年來行植樹典禮今又改爲穀雨節民間間有效尤者三月十六日俗謂山神爺生日各家屠猪宰羊與端陽中秋節相埒然此種風氣惟鄉村中人有之而城鎮熟若

無睹也五月五日爲端午插艾蒿於檐曰避瘟兒童繫五色綫於手足曰長命綫並飲雄黃酒食涼糕角黍等品六月六日園戶農家殺豚宰羊均祀蟲王曰蟲王會七月七日稱爲乞巧間有盛水於碗以花針浮於水面看現何形有類刀剪者有類杵尺者以分巧拙十三日爲麻穀新喪者則致祭曰燒麻穀十五日爲中元節皆備香楮酒肴以祭先祖墳墓間有辦盂蘭會者搭法台念梵經放燈於河置火於路鏡鉢喧天如茶如錦又如千百流螢結隊而飛觀之者目眩賞之者心悅幾疑置身星宿海而忘其爲盂蘭會也八月十五日爲中秋節民間息工一日商戶輟業三日殺猪沽酒而慶中秋晚間各家於庭前設香案陳列瓜果月餅等品婦孺羅拜曰供月九月九日陟

彼山巔展覽風景曰登高騷人墨各多於是日吟詩記事十月一日
疊五色紙於包袱中就坎頭或路側付諸丙丁曰送寒衣十一月某
日冬至皮衣育與棺木商觀是日風勢謂之爭冬十二月八日煮黃
米爲飯屢以豆棗等品曰臘八粥二十三日各家設香案於竈君前
盛秣米於碗置竈糖於碟米上插秫秸所編鷄犬等物供於竈台由
主婦祭之少許將竈君舊像付之一火曰辭竈又曰過小年俗謂由
二十三日至三十日爲神藏鬼現之期三十日爲除夕是日粘貼春
聯亦有前一二日粘貼者傍午設案於庭陳列飯菜果品燃燭拈香
以祀先祖曰安神並向尊長行禮謂之辭歲噫以上所陳令節不但
耗時費錢有損無益且助長迷信了無意義但日久年深積重難返

移風易俗惟望將來

祭神

海龍滿漢雜處同化已久惟祭典有同者有不同者其祭祀猪名之爲還願屆祭日夜五鼓設香案於庭前將猪置桌上屠之割猪之上脣及腰脊尾尖各少許擲房上曰領牲以祭餘請親友食曰食祭肉然亦只限以三日出三日則不食之矣其不同者漢人每逢元旦上元端午中秋致祭先祖滿人除祀祖外兼有祭索倫媽媽之舉祭法猪兩口有剝皮者有退毛者以一口邀親友食親友席地坐戒飲酒以一口爲肉糜屨小米煮粥曰小肉飯鍋竈按置大門外以備素不相識之行人食是夕跳鶯哥神並食夜飯餘則分贈親友其祭時大

半在每年十月初漢軍人稍異其所跳者名之曰老虎神食法與漢人祭祀豬相等至於祭竈祭奧則又爲滿漢之普通風氣也

生子

兒生半日許請婦人乳兒曰開乳三日洗兒曰洗三並開湯餅會以酌產婆與開乳者彌月之前親友家或送麥粉或送鷄卵或送豚蹄曰下奶彌月親友又送金銀等裝飾品與小兒曰作滿月主人備酒席以酌曰喫滿月酒此種風氣漢滿皆行之至今沿行猶未稍殺

宴會

宴會之禮關於聯絡感情無論住城住鄉皆不可缺者也但城鄉風俗稍有不同雖皆行之於上元前後謂之會年茶然城市奢而鄉村

儉鄉村之間菜不過數味酒不過數巡而城市則山珍海錯桂液蘭漿一飯十金一席中產所聯絡之感情未必賢於鄉村不過踵事奢華而已較之開闢之初價廉而味美者如鹿尾如熊掌如猴頭燕窩皆就本地之所產以備宴會之所需撫今進昔大相逕庭矣

語言

本縣民族雖屬複雜然同化日久語亡早趨一致其間稍有岐異者如滿蒙人呼父爲爸爸呼母爲娜娜或阿娘而漢人則呼父爲爹呼母爲媽是也他若日讀作意人讀作銀熱讀作熟肉讀作幼大半滿洲人之發音舌拗齒豁聽其音尾多帶魯人之口調歷來南無平北無入南人讀回日懷讀情回秦開水讀作該死北人無入聲已如上

述北平人擅上聲音清字朗發言如唱曲極圓活聯接之能事故上
下唇端緊天津人發言如打架…麼你老…喝…改透了…音沉語
壯生硬異常故上下唇涉獵俗曰列豁咀南人擅入聲其發言唇收
舌掉皆向內拈故其下頰上兜俗曰兜齒山西人發言爲鼻音山東
人發言爲舌音鼻音多啞聲舌音多捲味蓋五方元音各有不同語
日百里不同風吾曰百里不同音故一地之人乃有一地之音宮商
角徵羽各以其地而別其音耳至於食飲方面俗有南甜北鹹東辣
西酸之分習俗方面南人習水故擅游泳航船之技北人習山故擅
騎射馳縱之技東人習土故擅担駕推挽之技西人習金故擅歌唱
經營之技南人唱曲多水音北人唱曲多山音東人唱曲多土音西

人唱曲多金音此地理使之然也

祝壽

健康爲人生之最大幸福故本縣人民年歲稍長者每逢誕辰其子孫必張筵設席爲親祝壽又曰祝嘏或又曰稱觴親朋亦多持壽桃壽麵壽燭壽香（時謂壽桃百子壽麵千絲壽燭雙輝壽香萬縷）等祝禮親來致賀屆時懸壽帳於中堂粘壽聯於門首老者（卽受賀者）由右門出與致賀者相對叩首禮畢盛餐而散亦有演劇以助餘興者至大富貴亦壽考者當更有一番盛況矣

按右舉多爲中上縉紳世家每年祝嘏視爲一種隆重大禮其中下人家如一鄉富戶一姓碩彥每屆誕辰僅由本家子孫簡單舉

行叩頭禮并爲壽者備醇醪美食以娛親心

生子

普通妊婦懷孕在八九月前尙能操柔輦工作臨盆時輒延婦產婆或助產士至家守候收生小兒初降謂之落草越三日請產婆至家洗兒謂之洗三迨十二日復請產婆餐食謂之吃十二日（讀上聲）在此一月期中由家中主婦置備粟米面粉鷄卵爲產婦養育之食品並時有親友贈送米面粉肉糖類或小孩裝飾品等俗名謂之看歡喜一月滿足由生兒家置備酒席酬謝親友俗謂之辦滿月即彌月湯餅會屆時親朋盛集觥籌交錯頗極一時之樂云

按小兒彌月其往返酌應多以婦女行之而鬚眉則不與焉雖有

之亦爲近親契友且爲年事稍長者

祈雨

雨水爲禾苗之命脈是以久旱之歲必設壇祈雨以期甘霖之沛降而冀禾苗之來蘇也祈雨時先於城鎮或鄉村相地設壇三日供棹上虔奉四海龍王延僧道誦經大意爲向天祈禱主其事者齋戒沐浴袒肩跣足頭銜柳圈以柳條編成之并跪香跪鎖虔誠祈禱各界人士亦來參加惟不許戴笠民戶門旁均供有四海龍王木主一座並插柳於門張幟於斗設供焚香并備水缸一口滿貯清水中插柳枝斷絕屠宰禁食酒肉每日肩輿龍王木主遊行街中僧道導前鄉民隨後主事長官則扶轎而行迨至井泉廟宇溪澤渡口輒長跪祈

禱甘霖既降或演劇或演影（皮影）以答天庥

按祈雨一事有類迷信近年各地除僻地窮鄉間有行之者外其餘城市迄無舉行者昔時祈雨首由地方官倡行此風近年已殺

演春

舊歷每年立春前一日由地方官廳紙紮春牛一頭（初爲泥塑後改用紙紮其毛色及身軀大小年有規定）所奉者爲忙神屆日備神一位由地方官率所屬官吏抬往東郊依序拜祭謂之迎春翌日（卽立春節）於立春時在署內由主印官以春鞭打春牛謂之打春並頌詞曰一打風調雨順二打國太民安三打大人連陞三級四打四季平安五打五穀豐收六打閭屬官民人等一體編春并丹書春

王正月四字於門壁俗曰演春此舉清末卽行廢止故迄今記其事者亦屬寥寥

跳神

跳神一事卽巫婆爲海龍鄉鎮間司空見慣之事卽古書所謂巫醫者是也其所虔奉者爲狐狸黃鼠或牛鬼蛇神尊之如神聖所供者爲胡黃二仙及其他各種動物（如蛇蟒水獺狼龜等）鄉人患病往往持香及錢到乂門（或稱大神）處或延其至家焚香請神作法時或持香或擊鼓立病者前喃喃有詞神附體則搖頭閉目口有問其應對者由幫神（亦稱二大神）代答之其治病能施針或討藥或開方或畫符越三日須由香主（病家）持全豬全酒或香及供（饅首）

到大神處叩頭還願名曰回香亦有爲小兒祓除不祥紮秫糶爲城
分爲四門由大神清神持槍刀領小兒穿過謂之破關蓋爲其破除
難關也大神（男女均有）起始領神爲人治病謂之「出馬」每年上
己（三月二日）重陽（九月九日）爲大神節香火極盛亦有於是時
集多數大神請神持械互相比試謂之「比武」至於稱豬謂黑毛子
家鷄爲鳳凰酒爲哈拉氣烟爲大姆葛則爲其專門用語云
按跳神之降聞爲滿洲人所首徧滿洲民族其部落多聚集於深
山崇谷彼視草木鳥獸鱗介昆虫爲上帝賦予蹄爪涵養林澤不
可輕喪生命有違上天好生之德因而崇奉爲神爲鬼相戒不殺
生害命亦民族仁者之用心也後世信巫向之求財向之乞福亦

名存實亡殊可慨也

燒香俗稱跳單鼓神

海龍地當邊僻風俗鄙儻原有陋習如所謂燒香者雖屬報賽之遺而於人心風俗所關亟重有維持與管理之責者其注意乎是在中產以上之家每於秋成農事畢後多有豐其粢盛臚其牲醴預訂日期招聚族鄙邀集巫祝四五人或七八人不等紛集其家共爲燒香之祭者其家人無少長無男女必各盛飾鮮衣致其誠欸歡洽招待至燒香儀式是於神前備具香斗貯以高粱中樹白色紙旛四隅綴以雜色紙花並以秤一鏡一插置其中此外供以饌飪紙箔香燭等類供品之清潔與否雖所不計顧必豐盛以美觀瞻祀事之先例須

張延供客人於歡宴醉飽之餘猖狂擾攘之下必迨黃昏始由神巫起鼓以致祝詞其聲嗚嗚音節靡靡褻謾哀淫鄙俚殊甚詞又多不可解鼓彭彭而人逐逐終夜喧填東方辨色則享事畢矣其享神節日各有名色起訖凡十二鋪每一段落謂之一鋪起鼓祝詞斯曰香讚次日過河曰搭棚曰天皮子亦曰天門圈子曰接天神曰亡魂圈子曰安座掛匾曰勾皂王曰排樟螂曰請武大郎最後曰打刀送神原夫報賽享神其來舊矣是在致祭者盡其誠敬示不忘本耳苟具誠敬則何所不可以荐鬼神者何必如此囂競如此張皇並更如此膠擾爲哉且必於彙夜之間聚男女於一室擾攘嬉戲而爲之而其所享之神既有天神而又有武大郎夫武大郎果何神乎而能與天神享同一之祭

饗其褻瀆不亦甚乎苟有明神斯必降罰以懲淫惑又何福之可致者且其每於降神之頃溷淆紛雜尤爲特甚直一精神結合之紛麗場爾斯眞淫祝之一也往者爲燒香故每至寄其艾豨索爾纒猪者盖比比矣此於人心風俗大有關碍負管理之責者其勿忽視乎哉

海龍縣志卷十五

物產

滿洲位於東北地大物博稱雄海內比年劃疆自守寔一經濟淵藪
外人譽爲生命腺學者視同處女地而各國工商業尤以吾滿爲原
料供求地旅行家嘗謂不到滿洲不知滿洲土地之廣不到滿洲不
知滿洲物產之豐其重視滿洲從可知矣

海龍特產以大豆穀糧爲大宗次如礦山水利皆佔重要位置徒以
技術不良財力不及坐令黃金天府久鑄不開捧金碗而勺殘羹殆
是謂歟自建國迄茲地利漸闢資源漸裕熙來攘往如步春臺世界
樂園在此而不在彼請觀下列物產昇降表可証將來之富庶

物產

全縣之出產以元豆爲大宗每年出口之數約五十五萬八千石（舊量器）其次則爲高糧又次則爲包米乃土人常食之品然每遇外縣荒旱本地豐收亦有時出口其出口之數或四萬五千餘石或三萬六千餘石不等茲將全縣物產分類列後

植物

穀類

元豆 可榨油可製腐銷路最廣并供化學及肥料之用

黑豆 可作牛馬飼料

小豆 分白赤黑各色可製粉可雇入秬米粳米或小米中煮爲

飯食并作餠餠餠及醬料

綠豆 可製粉可製餌可生芽為蔬若入藥品且可解毒故又名

吉豆云

豌豆 遼志謂之曰鵲豆今名豌豆有大小二種可作羹菜

豇豆 一生雙莢有紅白二種細而長者充蔬菜名長豆皮薄者

秋成取粒

雲豆 相傳種自雲南來俗呼六月鮮可作蔬菜一名早雲豆

寬雲豆 似雲豆而寬厚一名江南寬一名大挽袖

長雲豆 似雲豆而肉圓厚至秋涼結莢愈盛一名穰子豆

刀豆 一名氣豆莢形似刀故名

穀類

稷

即今之穀也詩彼黍離離彼稷之苗彼稷之穗彼稷之寔言稷之苗穗寔不與黍同也靈壽志黍早而稷晚黍大而稷小黍穗散稷穗聚稷即粟也今俗所謂小米者稷也所謂黃米者黍也今北人所謂粟者穀也所謂小米者亦穀也今吉龍兩省人皆樂食之餘稍遜

稻

名稌詩豐年多黍多稌是也黏者爲糯不黏者爲秔本境昔年陸地多種之近年水稻盛興幾爲出產之大宗

脂麻

有黑白黃三色沈存中筆談張騫自西域得來油麻種故又名胡麻正字通麻麥黍稷麻即今油麻月令食麻與犬

粟

是也一說張騫所得之胡麻亦可出油非今之脂麻也

蜀黍

俗名高糧詩如茨如梁不能藝稻梁是也有紅白二種詩

維糜維芑註糜赤梁粟芑白梁粟也以其種子由蜀地傳

播故名蜀黍春之為米可製飯漚之為粉可漿衣燒之可

製酒磨之可製麵為穀類中之用途最大者

玉蜀黍

俗名包米分黃白二種可煮之為飯可磨之為粉且可製

為餲糧為東邊各縣農人常用之品

黍

俗名糜子其米曰大黃米有粘性土人多磨粉製餅或煮

之以為飯爾雅翼黍有赤黍黑黍朱子詩傳拒黑黍也

小麥

黑黍一粳二米者也

小麥 分春麥秋麥二種本境氣候稍寒種春魂者頗少惟秋麥

種之者較多可製麩

大麥 可製為酒麪亦可為飯本境種之者尚少惟開燒鍋人家

每年略種之

莖麥 本境種之者最多蓋以氣候稍寒凡春耕誤期或改種均

植之以為晚田

稗 最宜於下濕地本境種之者少蓋本境山地居其大半而

下濕地惟平原有之

蘇子 分紅白二種可榨油本境種之者尚少

粟 俗名穀子其米通稱小米可為人之食料而其莖曰穀草

菘菜 爲飼牛馬之要品

秠 亦作粳稻陸種者米曰粳米水稻米曰稻米

黏蜀黍 俗名曰黏高糧米多用以製糕其桿與高糧桿無甚差別

通爲秠穡用作燒柴

紅黏穀 其莖葉與粟同但微紅耳米粒小土名小黃米亦可爲燒

酒作飯製糕等用

蔬類

菘 俗名白菜分春秋二種春菘則食用之日期較短而秋菘

或漬之爲酸菜或蓄之爲黃葉白食用之日期最長周彥

綸所謂秋末晚菘是也

韭 本境氣候稍寒產期最晚每年須清明以後始有本地產

出者周彥綸所謂春初早韭蓋指內地而言也

葱 為四季之常菜本境所產者曰羊角葱為春初發芽者曰

燕窩白露葱為秋初之所種者曰火葱為夏季所種而移植者

至冬季為乾葱

蒜 分紅皮白皮二種白皮者味稍遜紅皮者味最辛爾雅註

葷菜也生在山中者名薑本草張騫使西域始得種於中

藟 國故一名胡藟

菠 分春秋二種本境種春菠菜者最多秋菠菜種之者較少

芹 菜 分水旱二種本境種水芹菜者少園圃所種者皆旱芹

芫 荽

俗名香菜分春秋二種春秋香菜本境皆有種之者張騫

使西域得種又名胡荽後因石勒諱胡改作香荽

本境種之者頗多

蒿 苳

俗名生菜以其為生食之菜也本境種之者頗多

蘿 蔔

俗名大蘿蔔伏初布種秋後成寔

水 蘿 蔔

有紅白二種春初種之至端陽前後本境始有此菜

胡 蘿 蔔

形長而色赤土人或以為鹹菜每逢喜事或以之為菜碼

取其紅也

芋 芥 菜

其莖葉均可醃為鹹菜根之最大者形如蘿蔔亦可為鹹

菜俗曰鹹菜疙疸

茄

分長形圓形二種本境所種者以長形為多至每年初伏

始見此菜

秦椒

俗名辣椒本境所產者甚小質薄近年來始有大辣椒每年至端午節後先由朝陽鎮輸入縣城而縣城尚須八九日始見本地所產者

馬鈴薯

俗名地豆分紅白二種爲本境菜品中極盛之菜近年來以之製粉者最多

山藥

昔時本境栽之者絕少近年來頗爲發達最大者每枚約有二三斤之重量雖由事之使然亦足徵氣候之轉移也

安徽菘

俗名疙疸白春種秋成其所結之寔最大者如斗本境惟山地產者最大平地則稍遜

黃花菜 野生物一名金鍼菜曬乾可食

蕨菜 一名如意菜以山中爲最多

筒蒿 花黃如小菊葉如蒿春秋皆可種俗呼藤蒿菜

青蘿蔔 似水蘿蔔而粗大色青甘脆一名青頭蘿蔔俗呼拌倒驢

明葉菜 初生可食長成可作藥曰桔梗

抱頭菜 花朮苗

藕 荷根生泥中可作菜城西大灣龍溝間產之

薇 莖葉氣味似豌豆故一名野豌豆

馬齒莧 土俗馬食菜一名五行菜以其葉青莖赤花黃根白子黑

也

菌類

榛菌

味最鮮為野生物昔時產出最多近年來較少

榆菌

味最鮮生於枯榆之上每屆舊歷七八月之交土人取之

蕨

刀切醃鹹名曰醃水蕨

元蘑

野生物昔年最多近來較少

花臉蘑

味鮮似口蘑野生物近年來亦漸少

蹕子蘑

野生物味似元蘑微含毒質食之不慎往往被其所毒

粉蘑

生野草間蘑面粉亮味鮮美今產甚少

白蘑

未出荒以前產之現不多見菌類中最珍貴品味異常菌

木耳

昔年產生者最多近年漸少

瓜類

黃瓜 一名胡瓜按陳藏器本草謂北人避石勒諱改呼黃瓜至

今因之時珍本草謂張騫使西域得種故名胡瓜又按杜

寶拾遺錄謂隨大業四年避諱改呼黃瓜今俗以月令王

瓜生謂黃瓜卽王瓜誤矣王瓜土瓜也

攪瓜 可煮食

倭瓜 卽南瓜可煮食

甜瓜 俗名香瓜種類甚多味極甘美魏文帝與吳質書浮甘瓜

於清泉卽此甘以其味言甜字音之轉也義同

西瓜 形圓味甘可以解暑近年來又有洋西瓜者橢圓形味最

甘然以土質變遷故亦不若初時之美也胡嶠陷虜記契丹破回紇得此種以牛糞覆棚而種大於中國冬瓜而味

甘

葫蘆 種類甚多其大者嫩時可充食品成時可作器皿小者可

作玩具詩八月斷壺是也

匏瓜 俗名瓠子嫩時可食料惟微苦食之不慎易使人腹泄詩

甘瓠累之南方謂之地蒲

打瓜 形似西瓜而橢圓子多可食名曰瓜子

苦瓜 一名錦荔枝一名癩葡萄滿身痲磊俗名癩瓜

昔 諸 俗名地瓜本境以氣候較寒雖有栽植者肉少筋多不適

於人近年來氣候變遷所產出者較之從前不啻天淵

花類

石榴 色有紅白味有酸甜博物志張騫使西域得安石榴

榴花 有紅白兩色中心花瓣如起樓台者謂之重台皆開花而

不結子

高麗菊 有淡黃深黃杏黃及紅紫各色其莖長其葉細花冠分單

雙朶如江西臘大惟花瓣稍粗且有異味置之窗前可避

蟲類

月季 羣芳譜一名勝春俗呼月月紅有淺紅深紫二種

鳳仙花 俗名指甲草分紅白二色花冠如鳳翅故名鳳仙花又有

佛頂珠者花開頂端葉如桃柳此二類性皆透骨女兒家

常用以染指故名指甲花

刺梅

叢生花粉紅色條枝有刺故名

鷄冠花

有紅白黃赤各色彩如鷄冠故名鷄冠花

江西臘

分二種有紅紫黃白灰藍各色叢生者其花小獨生者其

花大花狀不一有針形筒形之別

木槿

說文舜木槿也朝花暮落禮記仲秋之月木槿榮有紫白

二種

節節亭

俗名步步登高花冠成氈帽形有黃白紅紫各色其莖之

高有三四云

葵 花

有冬葵戎葵兔葵向日葵錦葵蜀葵諸種以今考之冬葵其子入藥唐劉禹錫元都觀詩桃花淨盡菜花開註惟見兔葵燕麥動搖春風耳則另是一種本境此時尚無惟有向日葵花大如盤高八九尺又謂黃葵他若蜀葵戎葵兔葵錦葵皆非本境之所有

夾竹桃

俗呼柳葉桃羣芳譜五瓣淺紅嬌艷類桃花葉狹長類竹故名亦有干瓣者

茉莉花

俗名胭脂豆有紅紫黃白各色皆開於一株之上其子可製粉較鉛粉爲佳

牽牛花

蔓生花成喇叭狀又曰喇叭花在藥品中爲黑丑白丑

菊花 廣韻一名帝女花種類甚繁諸色皆備爲晚秋最盛之花

六月菊 苑西集黃心藕合瓣有重紋六月開花故名

芍藥 有紅白赤諸色根可入藥

草芙蓉 卽萬壽菊莖葉如蒿名芙蓉花

草長春 春初卽開繼續開至深秋俗名金盞子

藍雀 不種自出每節葉對生開小藍花略似小雀張兩翼故名

雁來紅 俗名老來變其黃者曰雁來黃白者曰雁來白紅黃紫綠

相間者曰錦西風又名十樣錦此物無花春時葉綠至秋

則變各色耳

虎耳草 一名金絲荷荷

爬山虎 如牽牛花而大行蔓甚長

蝴蝶花 花似蝶有藍紫二種

山丹花 紅花六出一名紅百合其萼未開曬為紅花菜

捲丹花 六出四垂大如山丹花結子葉間

玉簪花 葉叢生兩大莖頂生花未開時如白玉搔頭名玉簪棒秋

時花開如捲丹形至晚清香遠聞一名鶴花

荷包花 花似荷包鬚亦如穗

晚香玉 花似玉簪高莖至晚花開清香無比白日則閉故名

石竹花 枝似竹而細花色不一有紅有白瓣頭有鋸齒入藥名瞿

麥為小品中之最佳者

草繡球 花紫色如彈大絨團式瓣甚硬

野菊 莖葉花皆是菊而小花瓣圓頭朶如大錢

四季海棠 木本粉花如牽牛花同而小春時開花鮮艷無比

迎春 春 迎春而開亦名迎春柳

丁香花 莖似樹粉紫花叢開如茉莉花頗有香味又名百結花

玫瑰花 生山野間枝有刺如月季花紅者可用製玫瑰又將玫瑰

花加蜀黍內可製成玫瑰露酒極佳又有一種家玫瑰較

野玫瑰莖高而花大其用途同

繡球花 有陰陽二種葉如榛而黃綠六七開小粉攢聚成球

薄荷梅 花有藍白紅粉諸色作筒狀葉如薄荷

洋石竹 莖葉如家石竹花有白黃藍紫各色宿根能重發

西番蓮 莖高四尺餘花有黃紅紫粉各色極鮮妍至秋開愈盛又

名天竺牡丹亦名簪筓梅

滿地金錢 花黃或紅莖高尺餘花開如錢大叢生故名

虞美人花 花如嬰粟而小寔如嬰粟之寔花有粉白二色極妍麗

可觀

洋海棠花 莖矮生葉短圓花有紅紫黃色俗呼馬食菜花

葫蘆海棠 如燈籠果之葉莖高尺餘花紅紫色開時狀如葫蘆土

美人芄 葉如芭蕉花紅黃二色狀如牽牛花莖高二尺餘杏嶺山

金絲菊 蔓生花似菊而小有淡青及藍二色

藥類

山人葎

甘溫微苦補氣瀉火現在本境產之極少縣城南杏嶺山

有大葎一苗往往在遠處見之繼至近處則不見矣據土

人云已成葎仙

鹿茸

性熱善調元

柴胡

苦微寒境南鴨綠崗多產之

桔梗

甘寒無苦凡山嶺處皆產之葉為明葉菜

茄花

即茄花霜降後採之入藥

茄根

即茄子老根霜降後採之入藥

黑脂麻

名巨勝平無毒與白脂麻異不能榨油

薤白 各地皆產之俗名小根菜

苦丁香 卽甜瓜蒂也

馬齒莧 園田中皆產俗呼馬食菜人亦食之但不可與鱉同食

車前子 味甘鹹性寒無毒路旁多生之葉大俗名車輪菜

遠志 苦溫無毒莖葉細小又名小草

百會合 根如蒜頭有瓣善補氣

細辛 辛溫無毒花紫根葉皆可入葯產於城南北山嶺間

地虜子 苦寒無毒園中產之卽掃帚子

防風 可療頭風故名防風

菟絲子 辛甘平無毒多產於豆地根附豆苗最能害禾俗名黃嫫

子

升麻 味甘苦性微平無毒根入葯其苗俗呼為苦龍芽

赤芍 味苦微寒產山野中即山芍藥花赤者之根入葯

白頭翁 味苦性溫有微毒即野蘭花之嫩葉

透骨草 產山中俗名山豆秧子

瞿麥 花紫其形如麥即石竹花

馬勃 味辛性平無毒形似菌而圓球熟時彈之有灰紫粉俗呼

馬糞胞

蒲公英 其甘平無毒遍地皆生花黃似菊而小俗呼婆婆丁

小茴香 本名蒔蘿辛溫無毒寔褐色輕小六七月採之入葯

杏仁 味甘苦性溫有微毒卽山杏仁也 高士人服以苦氣曰心

桃仁 甘平無毒卽食桃之仁也

鷄冠子 苦平無毒家園內常種之花子 以蠶食之其葉變肉則

荆芥穗 產山中辛苦而溫芳香而散莖入藥茗荆芥子入藥名芥

穗 產山中辛苦而溫芳香而散莖入藥茗荆芥子入藥名芥

蒼朮 苦溫辛烈產山中 爲平氣滯神

薄荷 辛涼田野中皆生之不及蘇川之產也

五味子 酸溫能斂肺氣而定喘 產白堊山 爲用製糖漿頂上製之

狼毒 可治疥有微毒善消風濕 產白堊山 爲用製糖漿頂上製之

牛蒡子 味辛善於消痰止嗽

草類

叻喇草

野生性最暖爲穿叻喇者必需之品本境產地最多每屆

冬令常輸之於外有紅根白根二種用時搗亂

艾

俗名艾蒿可以灸病

蒲

卽菖蒲生湖泊中俗呼臭蒲

茜草

俗名錯草爲錫匠必用之品每年常輸之於外

蓑衣草

一名莎草其莖三稜可製爲禦雨之蓑衣用

香茅草

一名七里香卽芸也置書中可以避蟲女子置絲囊內聞

香曰香囊

紅茅草

生下涇地亦葯屬中微空而莖細高土人用以苦房曰小

葉障水面葉大者曰湯藥葉味苦水蘆冬艸食之曰冬青

羊草 細莖叢生可飼羊土人呼之曰羊鬍子草

馬蘭 似蒲而小花藍色如蘭花無香可作染料根可製刷葉可

捆物俗呼馬蘭

莠 生於田中俗名穀莠子一名狗尾草

扁担草 田野多有可飼牛馬土呼水稗子

茨 蔓布地而生細葉三角形莖有刺刺人藥曰水珠子亦名

水茨姑 葉似馬蘭而矮花紫結寔三角形如唱戲人頭頂上戴之

茨姑花

香蒲 蕝可食然土人罕有食者茸入藥名蒲黃草可製包名蒲

香蒲 包結寔如棒子有絨名蒲棒絨可裝枕

水葱 生水中如葱而細長名萃管可編涼席又可製扇曰蒲扇

萍 浮生水面紫背者可入藥

蓼 土名狗尾把吊子又名水蓬苜實可入藥曰水紅子亦名

天仙子 一名坤草可製膏作藥

益母蒿 一名坤草可製膏作藥

筴筴草 莖高葉細碎嫩時可作蔬成時可作筴

洋筴筴 似筴筴而矮團葉淺綠色花極微子多種成行列極可觀

羊草 賞 羊土人謂之曰羊蒿草

蘋 浮生水面葉大者曰馬藻葉細者水蘊冬取食之曰冬青

菜

山蒜 葉似韭而圓根如蒜頭而小俗呼小根菜

花耳 一名場子莖高二尺餘葉尖圓子入藥曰花耳子

洋鐵葉 葉似芭蕉而短小根能解毒子可裝枕

木類

榆 分山榆家榆爾雅疏榆有十類皆相似本草白榆名粉詩

東門之粉是也

楊 分青白二種青楊葉大而圓白楊葉微小本性不燥烈

柳 種類甚繁有山川柳有水曲柳有倒垂柳

柞 樹質最堅葉可飼蠶幹可製器具

楓樹 印色樹可供賞觀

椴樹 紫色者最佳皮有麻可掇繩木可製紙

山茶 可染青爲本境出口之物品

松樹 分二種曰果松能結寔曰杉松脂多本境產者甚稀墓墳

處間有之又有黃花松油松二種黃可製材油可供燃

柏樹 人家作爲盆景無甚大者

樺樹 皮有花紋可包木器木有包可雕刻各種器物

櫟樹 亦柞類亦名栲結寔甚多俗呼橡子可飼猪葉可放蠶

煖木 卽黃蘗木皮厚煖可包弓背細幹可作鞭桿老人多用作

杖

老鶴眼木 本名鼠李木質堅有花紋子赤黑如鶴眼幹有花點皮

可染色

曲欄木

一名水冬瓜可作車什

色木

質堅硬可作扁担

果木類

桃

本境氣候較寒能保存者最少近年漸有能保存者所結

之寔亦不甚大

李

有乾李水李之別本境土質最宜於此所以徧處皆是

杏

野生者極多惟酸澁不適於口

梨

種類最多皆酸澁不適於口

軟棗 蔓生味酸甜多生於深山之中

葡萄 漢書作蒲陶博物志張騫使大夏得葡萄本境現所產者

有山葡萄家葡萄之別皆蔓物生於山中者形如櫻桃色

黑生於園圃者有長形曰鷄心葡萄有圓形者曰圓葡萄

山梨紅 味甜酸本境到處皆有其最大者如酸楂

櫻桃 以本境關帝廟產者最佳

柳李 爾雅謂之棠棣多生山野間俗呼棠錠子

石榴 肉紅色子多味酸可食

榛 寔如小栗北山一帶產之

燈花果 外薄殼中含紅寔可食俗呼姑娘

蓮 寔曰蓮子有紅白二種花紅者蓮多藕少花白者蓮少藕

佳

菱 角 一名菱荷有黑紫二種每寔由三角至四角結合而成生

水中

菸類

黃 菸 為本境之大宗出產每年輸之於外

高麗菸 味最辛烈近年種之者較少

淡巴菰 即煙草美國黃色菸今已試種成功

麻類

線 麻 本境種者極多為每年出口之品

棘麻 本境種者極多為每年出口之品

靛

藍靛 詩終朝采藍月令無刈藍以染是也本境昔年種之極多

為出口之大宗物品近年以來種者漸少蓋因外國之靛

油輸入也

蜜 有山蜜家蜜之別山蜜白家蜜紅

二、動物

禽類

鷄 有家鷄野鷄二種雄者羽毛豐美以時而鳴雌者產卵

鶩 俗名鴨拙於飛翔巧於游泳雌者亦產卵較鷄卵為大生

於野者爲野鴨本境極多

鷺

頸長嘴大雌者所產之卵大而且美

鴿

亦名鷓鴣唐明皇呼爲飛奴陸佃云鴿性喜合凡鳥雄先雌惟鴿乘雄逐月有子周禮庖人掌供六禽鴿其一野生者極多有黑色有灰白色者夜棲檐下晝食田間爲害禾稼之鳥

雀

說文依人小鳥也古今注亦名佳賓又名瓦雀多巢於瓦屋檐詩雙雙瓦雀行書案故名瓦雀爲野生物其有害於禾稼較鴿爲甚

燕

卽玄鳥有巢於檐間者有巢於梁上者春來秋去皆以社

日故名曰社燕

雁

春來秋去本境氣候較寒來時晚去時早

棒錘鳥

一名黃干戈食人葎子故名棒錘鳥昔時本境極多近來

漸少

鷓鴣

夏小正田鼠化爲鴛註卽鷓雄曰鷓鳴曰痺夜則羣飛晝

則草伏無常居而有常匹所謂鷓之賁賁也鷓鴣相似而不同另是一物故詩言鷓而不言鷓性善鬥頭小尾禿嘴

角皆短

烏

純黑而反哺者謂之烏詩莫黑匪亦名鷲詩弁彼鷲斯有

白項者

鴉

本作鴉亦作鴉小而腹下白不反哺者為鴉亦名寒鴉詩

玉顏不及寒鴉色

鵲

大如鴉長尾尖嘴黑爪綠背白腹其音啞啞故謂之鵲禮

月令季冬之月鵲始巢開口避太歲能報喜呼為喜鵲性

最惡濕又稱乾鵲

藍紅靛類

俗讀類曰刻藍靛類類下有藍毛紅靛類類下有紅毛

故名

蘇雀

頂有紅毛食蘇子又名千里紅立冬時此雀最多

啄木鳥

舌細長銳尖端生逆鈎善啄木蟲俗名刁木官子

布穀

羽毛有芝麻花甚美麗一名鴉鳩俗燒姑姑

鷹 目銳體壯性猛人多養之用以捕野禽

鳶 善飛高翔雲霄翼作水平狀喜捕食鷄雛小鳥等

鷓鴣 俗呼貓頭因頭類晝伏夜出

蝙蝠 爾雅謂之服翼兩翅兩足夜飛晝伏糞入藥曰夜紅砂

縮鷓鴣 色灰黑形如鷓鴣翅大腿高飛時頸縮俗名縮鷓鴣子老等

窩懶 黑色當春耕時翱翔空際嘯聲甚美

蠟嘴 嘴如黃蠟羽毛灰黑性靈故人每畜之教其歌唱

打油鳥 形似鴿每發聲嘯則曰打油打油故名

獸類

馬 本境所產者諸色皆備土人多畜之或用之駕車或用之

挽犁

牛 田家多用之耕地間有取其乳汁以製酥酪者

騾 本作羸馬驢相交而生者呂氏春秋趙簡子臣陽成渠須有疾醫云得白騾肝則生簡子殺所愛之白騾取肝與之神仙別傳李少君死後有人見之在河東蒲坂乘青騾帝聞之發棺皆無所有矣

驢 有褐灰白三色以午及五更而鳴以應漏刻本境氣候較寒每年所產者雖多而活者甚少大半皆購自異地

羊 田家所畜者有山羊綿羊之別毛可製氈皮可製裘

豕 俗呼爲猪皆畜之以爲食品毛亦可製物每年輸出甚夥

犬 俗呼爲狗多畜之以司夜又有獵犬者腰細腿高咀尖毛

短獵人以此獵雉兔今漸少

貓 性靈敏人多畜之以捕鼠

狐 說文妖獸也類書狐有媚珠種類不一毛極溫暖可製裘

惟其性狡猾多疑不易獵取

麇 性癡最易獵取本境昔時最多今則漸少

狼 性殘忍似犬而畧瘦脚有蹠能涉水爲害人之獸

貉 頭銳鼻尖晝伏夜出毛溫暖可製裘

獾 皮可爲褥本境昔時頗多今則漸少

鼬 俗名黃鼠狼子又名黃皮子尾可製筆

獺

居湖泊中本境昔時頗多今則漸少

鹿

本境昔時野生者極多今則歸於人家圈養

熊

昔時極多今則時一見之

狸

與狐形同惟狐之身瘦而長狸身肥而短

兔

形似鼠而大尾短耳長前足短後足長有野兔家兔之別

家兔黑白二種野兔毛色隨時變更

鼠

穴居人家屋內盜洞破坦常嚙器物且為百斯篤傳染之

媒介

山

狸

形似貓而大毛黃有黑點花紋皮可製裘

刺
蝟

形似鼠而猪嘴足尾俱短物一犯之則全身縮如栗房毛

刺極硬可作藥材俗名刺蝟蝟

鱗類

鯉

本境之柳河下通輝發江所產之鯉間有赤脊金鱗者味

頗鮮美

鯽

一名鮡埤雅魚族行以相即故謂之鯽亦謂之鮡形似鯉

而脊隆多生於湖泊中

鮎

爾雅註鮎別名鯁江東呼鮎為鯁本草圖經鯁背青而口

小者名鮎無鱗生於流水者少止水者多

黃

昂

似鮎而小兩腮有刺

蛇

種類最多有名為黃花松黑烏紗者皆不噬人惟鉄樹皮

與馬蛇子最害人

蛙

生於池沼中善鳴俗謂蛙鼓

鰕

俗名鰕花產柳河下流

鮠

無鱗似鮎而大俗名槐子魚

鱖

形狹小而長鱗白而細性好浮水俗名白漂子

鱖

形似蛇頭銳身滑俗名泥鱖

蝦

境內各水均產小蝦

蝸牛

軟體動物身藏殼內成螺旋狀

蛤

殼黑而扁水泡河灣多產之肉兼有食者俗名臊蛤

假蚌

形似蛤而身長細腹內無珠故名假蚌

蠶 俗呼脚魚肉可食甲可供葯

昆蟲類

蜂 有馬蜂土蜂蜜蜂之別爾雅翼北方土燥故多土蜜南方

地濕故多水蜜者蜜蜂也爾雅翼土蠶大蜂在土中作房
方言燕趙之間謂之蠓蟪或謂之蚰蛻亦名蠓蟪晉書慕
容龐入蠓蟪塞言塞北汎房蜜如蜂房此土蜂也形細長
多於屋檐下作房或作房樹者馬蜂也其於大小不等種
類實繁

蝶 俗名蝴蝶又名蛺蝶化生物形色大小甚不一致

蟋蟀 一名促織古今注蟋蟀一名蟀一作蛩詩疏似蝗而小黑

因國十八如漆有角翅楚人謂之王孫幽人謂之促織語云促織鳴

懶婦驚

螞蟥六能飛能跳亦害禾之一種

蜻蜒

俗名螞蛉六足四翼常飛於水際

蛾類其繁凡草木小蟲皆能化之六七無眼自眼向背以

蚊說文作蟲從昏從蟲以昏時出也埤雅蠅成市於朝蚊成

市於昏乃濁水中之子子所變喙甚長吸人之血往往為

瘡疾之媒介

蠅一名蒼蠅喜逐臭為傳染病之媒介

蟑螂居室中往往有之為無血微生物

蟻 一名綠蠹羣居喜鬥性最靈每陰雨先知之以填其戶

蜈蚣 足最多壁中每生之爲本境最少之蟲

蚰蜒 近於蜈蚣本境亦少

蜘蛛 一名蜘蛛善於網羅羽翼

附註特殊物產

民國七年山城子南河得一魚形似鰕長五六寸無腮自腮向後以
次排列七眼但睛不動乃鱗也

民國十六年山城子西二龍山張姓得金色蛙三足乃蟾蜍也狀爲

金蟾張姓將持赴省城獻張巡閱使行至清河溝而斃

民國十八年五月山城子春明胡同小兒女得綠蟾蜍一旋即斃

民國十五年築修奉海鐵路開鑿二龍山會友店路旁小山頭從土中得活鱧二長七八寸双目爛然躍動如乍離水爲郭姓取去畜之水中多日始斃開鑿此山並得石卵二圓徑六七寸搖之內似有聲爲韓姓取去是否含有空青倩人購之不與

礦物

煤 礦 一在山城鎮西南大灣溝一在邑南仙人溝每年產出之煤不抵所耗之工所以至今猶未能暢旺也

金 礦 一在縣治西南二伯丹(卽今二八石)一香爐碗子清光緒末年曾開採後以金苗不旺遂停辦自新國成立友邦

人士續議於二八石處再行開辦遂於康德三年六月間

寔行工作矣金苗亦不甚暢現仍採辦

一香

一香

一香

一香

一香

一香

一香

一香

一香

海龍縣志卷十六

宗教

孔子曰道之以政齊之以刑民無恥道之以德齊之以禮有恥且格可見治國之道不外政刑道德兩大端也蓋道德者禁人於未然之前政治者制人於已然之後斯二者相互爲用不容偏廢者也古者司徒掌教導民司寇掌刑治民風熙世皞化行俗美人民鼓腹擊壤祇知順帝之則洎乎後世人心險巇道德有時而窮教化不足以勸也於是以神道設教以冀挽回人心故三代之時祇知敬天畏天固無所謂宗教也秦漢以還釋道之名始出釋教主張博愛普濟道教主張清潔無爲分道揚鑿揭棄主義雖有崇虛清談丹鼎符籙

之謬說然足以範圍人心而濟刑法之不逮其於世道人心亦不無小補焉海龍光緒四年放荒卽有佛道二教相繼流入創修廟宇報領廟產其後基督天主回教先後來此佈教其信仰者日衆茲將各教之狀況分列之以爲宗教上之參考焉

佛教

佛教卽釋教也其教主釋迦牟尼生於周靈王時爲印度人生有異性幼年奉婆羅門教以生老病死爲四苦嘗息居山林冥求真道旣壯逃入雲山學道旋得正果遂出說法以覺世人其教主主張慈悲普濟其徒繼述承志編著經典削髮緇衣傳教四方印度阿育王崇拜釋教且定爲國教僧侶曰衆勢力益大於是遣教徒傳教各國佛教

因之大昌東漢明帝爲謀永年及延國祚曾遣蔡愔等求佛法於西域之流沙外至大月氏得經典並邀僧人同返其來之始漢帝待之以殊禮止宿鴻臚寺其後別築新居仍以寺爲名迄今多沿稱之及高句麗建國崇信僧侶傳授經典佛教漸流於遼東滿清入關尊重佛教遠軼前代始將瑪哈噶喇佛像由察哈爾移來爲之築樓供奉（卽今奉天皇寺內之瑪哈噶喇樓是）繼又崇拜喇嘛教佛教因之益昌海龍自斬荆闢棘以來山城鎮先有佛教徒前來化緣創立寺院曰龍泉寺現在該院尙有資產規模宏壯本縣之各寺多從此分爲下院也海龍佛教之徒多係游惰之民目不識丁賴寺院以餬口不諳經典指謔云佛穿衣賴佛喫飯斯語爲若輩誦之誠允當矣且

有女子出家者謂之比邱尼俗稱尼姑其所居曰庵縣境亦有之茲將各寺庵之狀況分列於左用備參攷云

海龍縣佛教狀況一覽表

宗派別	寺名稱	所在地	代表者名稱	代表者氏名	創立年月	主神位	基本財產及維持方法	附屬事業
臨濟派	普濟菴	縣城西關外	監院	龍悔	民國七年五月	聖佛	平地五畝	
佛敎	無為佛堂	海龍朝陽鎮	"	趙廣善	民國九年八月	釋迦佛	平地五十畝	
臨濟派	地藏寺	海龍朝陽鎮	"	徐恒志	光緒二十年十月	地藏王		
臨濟派	萬壽菴	"	"	項青	民國九年三月	南海士		
"	清淨無為佛堂	海龍灣龍溝	"	楊開中	民國八年四月	釋迦佛	中則地五畝	
"	保安寺	海龍六八且街	"	村公會	光緒二十二年八月	三娘宵		
金頂毘盧派	普覺寺	海龍山鎮北門外	"	常醒	民國十六年七月	釋迦佛	園地四畝	
"	龍泉寺	海龍鎮西大街	"	澄連	光緒五年四月	"	街基三十丈 山地三百畝	
"	萬龍寺	海龍鎮東門外	主持	陸源明	民國八年二月	聖中佛		

清淨無爲之緣起

青雲寺	前海龍帽山	陳安醒	光緒二十二年七月	釋迦佛	升科地五畝
甲興寺	海龍一座	于九江	光緒二十六年一月	太陽	
祥雲菴	海龍灣龍溝村	姜文庚	民國二年四月	太陽	
泰安寺	海龍鴨綠村	高祥德	光緒二年八月	關帝	

清淨無爲乃臨濟九派大乘正宗清靜無爲法門始於大明武宗四

年歲次己巳三月九日敕封護國居士羅祖真人上孟下鴻號清菴

祖居江西吉安府永豐縣後移山東萊州府卽墨縣紫鄉村二十九

歲時叅頭陀祖師之苦叅十三載成化十九年十月八日子時被白

光攝醒後拜鵝頭祖戒垓寺方丈師之正德六年歲次丁未荷月六

日親讚霧靈山碑文旋圓寂於大清嘉慶六年皈空迄宣統三年一

月五日捨主楊開懣皈依暨聘孟廣輝大行於民國十一年四月八日經地方紳董建此清淨無爲佛堂以該楊捨主不動產五十二畝捨出作爲弘揚佛化呵護靈光此清淨無爲之緣起也

名稱及沿革

本堂定名爲清淨無爲佛堂自民國十一年四月八日建立延及大同二年十月因會員不法毆傷捨主欲奪廟產經石大行陳開峯等開會由全體改選_正會長掌管佛堂一切事務康德三年九月全體加入協和會迄未改革

會址

海龍縣西灣龍溝保中義甲

宗旨

弘揚佛化宣傳王道謹遵三皈

(佛法僧)

受持五戒

(殺盜淫妄酒)

經費

全年度支出約五百元收入不動產所得收益金額約三百元並收入一部香資不足時以會員担任之

設備

正佛殿三間偏西胡仙正祠三間(新建)東配房三間南間宣講堂北間監院及長住會員室西配房三間南爲十方堂及孤獨者暫濟室地南端約半里則爲義地以備他鄉死亡者埋葬之地

(附有超生殿死者得開法聽經高超三界)

微塵刹海然雖如此法在僧寺不傳於俗在家信士欲學無因不期至明時代遂蒙上蒼默佑有羅居士降世道號清菴籍歷山東即墨人也生而穎慧酷好佛法成化年間拜戒壇寺鵝頭老祖爲師參禪繼而頓悟明心見性頓成大覺蒙明帝並清聖祖仁皇帝先後勅封護國佑民清淨無爲羅聖祖師欽賜龍牌護道榜文依佛法苦渡在家善男信女齊超苦海共登彼岸遺經五部接續臨濟雲門諸宗派立教曰清靜無爲佛門代代相傳至今罔替凡我在家善男信女得聞佛法而超生者咸皆沾恩於無疆也茲我海龍善男信女學無爲之法門頗有心得每欲建一席地講經說法宏揚佛教接續傳燈普渡羣迷苦無地址至民國八年有無爲受戒居士楊開中慧夫婦大發

善心情願將灣龍溝自置升科地二段五十畝零五分並木料三間以施建築佛堂外其餘地可供耕植每年所得之糧作爲公衆以及辦會等用查楊老夫婦年逾六旬無嗣數十年之辛苦積此產業舍於佛堂作爲宏揚佛教之基礎非深通佛法明心見性者不能也既有此地凡我無爲善男信女莫不歡喜若狂以及門中衆人各發善心共襄此舉除自助資財外並募十方善款若干於民國九年修成佛殿三間禪堂三間然佛殿告成楊老夫婦居士之大功不可泯也遂商諸善男信女普捐資財以建碑銘而表揚之庶幾佛法宏通羣生得渡永垂不朽云爾

創辦經理人 千家長董寶山 垂論養性書

普行孟廣輝 永發石鋪陳

經行趙廣善 石海林刻字

李開行 石開渡 陳開峯 梁開渡

李開無 趙開環 趙開餘 趙開光

吳惠升 楊開生 高開永 崔開明

吳開淨 李開寶 傅開亨

中華民國十一年 四月初八日 公立

背面

捨山主楊維君同妻楊氏將地捨於無爲佛堂常處養善地段四
至分明地段修造佛堂北至河南至道東至馬姓西至周姓南段

作墳墓四至分明北至水泡南至道東至高姓西至王姓捨單一

張大照四張

以上共化十方善主緣布洋三千餘元開列匾上以誌永垂不朽

也

道教

道教即闡教也其教主李耳字伯陽諡曰聃習稱爲伯陽真人亦稱老聃或老子所著有道德經五千言含蓄深邃非爲其徒誦之卽前代文人亦莫不珍寶之也降至戰國時有莊周者著有南華經十萬餘言其養生等篇載諸古文莊周學說仍宗老子後世信仰者失其本眞競相炫惑而道教衰矣其後張道陵復以正道相傳幾能撥亂

反正恢復前人之光烈惟符籙卜筮之說稍涉不經行之既久無知之徒鼓如簧舌莠言百出道家之尊嚴掃地矣從前道教僅行南方而北方之有道教則自邱處機始考慮機號長春故一名曰長春真人南宋時王重陽學得先天大道迨元主中華太祖往見於雪山以天道好生不嗜殺人爲諫太祖深然其說尊之爲國師待之以殊禮且爲之建長春宮雄壯異常並許其弟子隨地布教號龍門宗滿清肇興有郭真人謂紫氣東來有飛龍在天之讖語世祖入關勒建太清宮於瀋陽遼東道教大昌與佛教勢力相頡頏海龍光緒四年放荒即有道士流入傳教創修廟宇故本境道士較和尚爲多今本境道教可分二種一蓄長髮不如暈不娶妻曰道士一茹暈薙髮娶妻

生子無異常人曰夥居道如縣城西清淨無為佛堂是每遇人家喪事被延誦經亦皆衣道衣戴綸巾誦經索價此種道教究何補焉附道教一覽表以供參考焉

海龍縣道教狀況一覽表

宗派別	廟名稱	所在地	代表者名稱	代表者姓名	創立年月	主祭位	基本財產及維持方法	附屬事業
邱祖龍門派	雙龍觀	縣城西關車站北	監院	董宗亮	光緒二十八年三月	真武大帝	土地三百畝	
"	青龍觀	縣城南關二道河南	"	劉理和	光緒八年三月	關帝	山地五百畝	設豆腐房一處
"	財神廟	海龍朝陽鎮街	主持	初明德	宣統元年八月	財神		
"	青雲宮	海龍朝陽鎮東北街	監院	楊圓慶	光緒三年二月	太上老君	街基三十五丈	
"	娘娘廟	海龍朝陽鎮東門外	"	賈至仁	宣統二年四月	關帝		
"	玉皇閣	海龍朝陽鎮	"	張忠全	民國十年四月	玉皇	平地七畝	
"	龍王閣	"	主持	白光玉	光緒三十年四月	龍王	平地一畝	
"	金斗宮	海龍二龍山村	"	左永坤	光緒十年二月	關帝	升科地一百二十畝	

朝陽觀	火神廟	慶雲宮	慶水宮	向陽宮	聖仙宮	龍王廟	平安宮	天堂宮	闕帝廟	無量宮	雙聖宮	三聖宮	關帝廟	西靈神廟
海龍大荒	海龍鴨綠	海龍雙鳳	海龍腰駐	海龍和陸	海龍灣龍	海龍梅河	海龍安樂	海龍四合	海龍二道	海龍全峯	海龍中山	縣城內	縣城裡西	
監院	主	主持	劉學儉	牛青山	王宗和	劉宗慧	邵赴春	劉福林	李明德	韓德珍	孟經五	唐至慧	馮誠臨	
光緒元年六月	大同二年七月	光緒二十五年四月	光緒五年三月	光緒七年四月	光緒十五年三月	民國四年九月	民國十八年三月	光緒十七年四月	民國八年八月	光緒十五年二月	光緒六年四月	光緒三十四年三月	光緒十七年	光緒二十七年
關帝	火神	關帝	聖中佛	關帝	龍王	關帝	玉皇	關帝	關帝	娘娘	聖佛	三尊佛	關帝	大仙堂
山地百十畝		升科地四十三畝	升科地三十六畝	三十畝		升科地六百〇九畝	中則地三畝	升科地三十一畝	升科地三十畝	升科地五十畝	園地二畝七分	廟基一畝六分		

東靈神廟	縣城裡東	北隅	劉國志	光緒二十一年	廟基地一畝
雙龍宮	縣城東奶	子山	張理山	民國六年	廟基地八畝
五雲宮	縣城南門	外	楊宗陸	光緒十三年	廟基地一畝零二厘
慶雲宮	縣城西南	關	牛誠山	民國十三年	觀音廟基地一畝五分
娘娘廟	縣城河南	沿	趙宗成	光緒八年	泰山娘娘廟基地六十五畝
龍王廟	縣城東南	關	孟宗璽	光緒十年	太上老君廟基地二十畝山荒二百畝
城隍廟	縣城裡西	南隅	趙理純	光緒十七年	城隍廟基地六畝六分七厘山荒一百十五畝

回教

回教即伊斯蘭教之舊稱也又名天方教教主穆罕默德阿刺伯人參酌猶太基督二教別創回教其經典曰可蘭當初教徒四方傳教左手持經典右手執利劍其後勢力擴充大食國神權政治悉由其教主操縱之唐時中亞細亞及天山南路漸有回教徒之足跡其於

滿洲者爲東于派建禮拜堂曰清真寺教長曰阿畔海龍設治之初卽有回教徒入境以山城鎮最多山城鎮西南隅因回族多故有回回營之稱其禮拜堂亦在焉兼有一二傑出者在鎮街頗有聲勢如張志樸劉子恒等是其禮拜堂在民國十五年改修規模較大並創立小學校一處後因經費無着不能遵章改善旋歸縣方接辦改稱區立小學校康德元年改稱縣立第十六小學校但仍佔用其原來之校舍而無租金也康德三年一月又將斯校改爲街立第二初級小學校歸山城鎮街公所辦理始將學校遷移別賃校址遂與回教堂無關焉茲將回教狀況分述於左

一、山城鎮伊斯蘭教堂 由新京回教總會經營宣統元年三月

設立教堂規模甚小後經劉子恒馬國齡購置地基建築禮拜寺
十五間該堂內部機構以全體會員組織之設教長常務董事各
派一人由會員推選之並設董事會評議會幹事會有會員四百二
十七人其基本財產有街基一段長二十八丈寬十九丈年收入
五百元

一 朝陽鎮伊斯蘭教堂 由新京回教總會經營之清光緒三十
一年八月成立民國六年建禮拜堂三間原名清真寺康德元年
九月始更名曰伊斯蘭教堂內部組織設教長一人經理一人教
徒二百十五人多作飯館業該會全年收入一千三百元

一 海龍縣城伊斯蘭教堂 屬於新京回教總會民國十八年十

月一日在海龍縣城後西北隅建築教堂以夏秀峯爲教長康德元年九月又改選石潤溥爲教長其內部組織除教長以外有經理四人會員若干人教徒一百七十人全年經費三百元並無其他附屬事業

耶穌教

耶穌教卽基督教基督乃基利斯督之簡稱爲救世之義也耶穌猶太人母馬利亞乃感聖靈而生與姜嫫生后稷相媲美故基督徒稱耶穌爲三位一體眞神三位者卽聖父聖子聖靈也十六世紀日耳曼人馬丁路得反對羅馬教皇之專制乃毅然改革舊教別創新教耶穌以救世自任到處宣傳福音脫除舊教之桎梏教士無階級牧

師得蓄妻子一時信者雲集影從凡三年猶太教徒嫉之控之於羅馬官府被釘十字架上葬於耶路撒冷其徒著有新舊兩約全書今之基督教徒奉爲寶典海龍設治較晚清光緒十八年三月始有英人戴興邦牧師到此創立教堂三間宿室六間宣播福音光緒十九年復在山城鎮設立教會光緒二十二年五月英人雅格復在朝陽鎮創立教會及庚子拳匪之亂教徒多被誅夷常森傳道士遇難迄今人猶豔稱之也茲將各教會狀況分述於後

一 海龍基督教會 該會於光緒十八年三月英人戴興邦牧師創設教堂三間宿室六間規模狹隘迨康德元年春經戴興邦牧師于天民准士募款建築常森紀念堂一座計樓房六間瓦房十

間全年經費一萬零八百五十元并在海城後九龍口山麓設施醫院一處樓房數十間每日施療辦理成績甚佳活人無算現任院長張文榮醫科大學卒業醫術頗精良

二、山城鎮基督教會 該會於光緒十九年由英牧師（係英國人逸其名）在海龍山城鎮大街建棄瓦房十六間草房三間現任滿籍牧師姚玉露頗有聲望人極重之并創立光明小學校一處教職員三人學生五十人學校資產及建築物約值五千元惟學校未經呈請立案將來能否准其存在尙難預料也

三、朝陽鎮基督教會 該會於清光緒二十二年五月經英人雅格創設教堂五間光緒三十年譚文倫牧師繼任信徒日衆宣統元

一年英人戴興邦牧師購地二處計地九百方丈建禮拜堂七間及宿舍十八間民國十一年戴牧師遷移海龍創設施醫院留張文淵元准士辦理民國十九年二月以牧師胡治三繼任康德元年由劉象乾繼任其缺今仍之前在民國時設有成達中學校一處附設小學三級常年經費四千二百元現在中學停頓改爲小學校仍名爲成達兩級小學校學生四級職教員五人全年經費一千四百元成績頗佳前已呈准立案矣

天主教

天主教乃基督教舊派奉羅馬教皇爲宗主一名加特力教盛行於歐洲當唐太宗時波斯人阿羅本賚其經典入中國太宗信之建波

斯寺當時名之爲景教明成祖遷燕京後太監鄭和等通天教主其教徒隨入中國世宗時利瑪竇航海來華傳教大學生徐光啓首倡而崇奉之清聖祖時許外人傳教建設教堂於是天主教遍布各省主持傳教者曰神父光緒十八年始到海龍先設天主堂於二八日（卽今樺樹村）繼又在三八日創立教堂規模甚小現已併移二八日矣山城朝陽兩鎮相繼設立教堂自遭庚子拳匪之亂教徒多有受慘殺者每况愈下信者不若以前之踴躍茲將其狀況及歷辦事跡略志於後

附事跡志略

一、縣城西樺樹村天主教堂——清光緒九年美利堅人林化東到

此創立教堂現在仍爲美人神父貴荆璞主持教務教堂建助宏壯其左近教民亦多曾設立約翰小學校一處職教員三人初小學生二級學生五十人學校資產建築物及地基約值三千元但未經請准立案現正在試辦中矣

二、朝陽鎮天主教堂——於光緒二十二年設立教堂歸撫順總堂所屬庚子拳匪之亂大受挫折因而停頓及二十八年經法人譚司鐸重新設立教堂仍前傳道光緒三十三年譚司鐸歸國白司訂繼之民國十七年白歸國由滿籍人陳日新繼任迄今仍之全年收入二百元僅以傳教爲事業並無其他建設似較海龍山城鎮教堂爲沉寂

三、山城鎮天主教堂——民國十八年經美人莫盛才司鐸購置地
基建設教堂歸撫順總堂所管轄現有主教一人分堂司鐸二人
司事一人布教三人信徒二百餘人並設立聖心兩級小學校一
處校長以莫司鐸自任職教員五人學生一百六十二人常年經
費一千八百五十元康德二年請准立案矣學校設置雅潔操場
廣潤一切設備尙能遵章辦理將來發達未可量也

海龍基督教會名稱與沿革

清光緒二十九年由英人魏牧師創立至民國四年創立民國學校
一處另於朝陽鎮輝南縣聖水河鎮六八石西安縣設立支會五處
康德元年在海龍建築常森先生紀念禮拜堂一所

會址

海龍縣城西南關

宗旨

勸人悔改信仰真神上帝以耶穌基督人類之救主

經費

完全由信徒捐募

設備

禮拜堂一所五間會堂一所五間門房一間牧師住宅三間廚房一間傳道員住宅一間

現任職員

戴興邦 牧師 五二歲 英國愛丁堡大學畢業 文學士 道地

于天民 牧師 三〇歲 金陵神學院畢業 道學士

會員一百三十五名 男七十五名 女六十名

宗堂由清我書堂十元康德二年請准立案大學校設道進潔操場

廣德堂設備有圖書室與講道基督人證之姓主

清光緒二十九年由其人親牧師創立至民國四年創立民國學校

新廣德堂南縣聖水河鎮六八石西安縣設立支會五處

康德會館在海州建堂常森先生紀念禮拜堂一所

海龍縣志卷十七

兵事

海龍軍事遠無可考自清太祖征服輝發等部（海龍地方卽輝發部舊址）軍事略有可據逮崇德六年輝發等部廢爲圍場更無軍事之可言光緒六年海龍設治越十餘稔而土匪竊發始則徐占一繼則李龍飛官兵勦撫軍事爲之一興然猶跳梁之小醜而未可以之爲軍事也二十六年神武營潰勇竄入海龍鄉民結團與之對抗軍事又爲之一興翌年忠義軍起號稱十萬由通化迤邐而至海龍是時海龍總管依凌阿稟請上峯核准編練游擊馬隊五營海龍之軍事至是大興二十八年日俄宣戰俄人敗退海龍境軍事於此又

一見然此謂之海龍軍事亦可謂之非海龍軍事亦可蓋日俄戰非我戰乃在我境戰也茲將有關於軍事者一併登錄列之於後以餉吾邑之後來關心軍事者

按明之季世清祖肇興於赫圖阿哈（即今興京）其時扈倫之烏喇部哈達部葉赫部輝發部均雄踞於東北一帶本境適當輝發部地當時迭爲雄長互相攻戰清太祖以一旅崛起先從事蘇克蘇濟河部之尼堪外蘭繼卽以次平渾河董鄂哲陳等部與明各關互市於是輝發等部繼起爲患明萬曆二十一年葉赫輝發四部合力與清相抗不勝是年秋九月更於是部外糾蒙古科爾沁等部合九國之師與清抗又不勝乙未夏清攻輝發所屬多壁城

斬城守克格蘇猛格二人而還已亥年滅哈達以其地與清尤近也丁未年始滅輝發查輝發貝勒拜音達里營築城三層以自固今其山下地基尙存依山環水勢極險要洎清天命九年卽明天啓四年五月甲寅朔明將毛文龍令游擊三員引兵沿鴨綠江越長白攻輝發清守將蘇爾東安敗之追擊三日盡殲其衆此明季兵事之可考者

有清一代之兵事

戡亂後依公自述

海龍城總管依凌阿都護立峯

清光緒二十四年五月初十日余奉委蒞海龍總管之任值李隆飛亂後該逆雖已誘擒餘黨尙未靖盡予乃補葺土城整頓營制講求

捕務舉行保甲地面始稍安二十六年七月拳匪大起肆行殺燒訛傳能避槍砲以故附從日衆勢洶洶不可遏予知其僞且憂其釀亂也自持槍往擊之匪百餘名登時如鳥獸散時西廳門政韓姓者素以神術稱亦爲拳匪所侮託神言爲詩以褒予有持其說來告者予笑置之至八月京津變起東三省逃兵潰勇齊奔海龍界三面窺伺不下數萬當即傳諭鄉團堵截前後殺傷約五六百人適吉林統領黃煊遠帶軍五百餘名越境來奔求留時因餉糈無出未允黃云自見軍帥請餉行至開原界值省城有變此隊遂流落海龍予懼其變也收之又八月十三日有由省逃回神武營哨官畢秧子者帶領百餘人均持七密裡快槍携贓四大車馬百餘匹直入關廂紫東燒鍋

院內意頗巨測予思新收各隊尙未折服正是投鼠忌器之時設法
在西門外以點隊爲名因以圖之賊更狡滑輒先開槍傷我哨官一
員兵六名幸將賊隊擊散戰斃數十名生擒二名卽時正法畢秧子
乘亂脫逃所獲贓物馬匹均行散給降兵外賞傷兵人各二十兩已
死哨官附入昭忠祠從祀其神武營後兩隊聞信潛逃十月鬍匪劉
單子聚四五百人自號忠義軍在吉林界黑石頭盤踞有心蠶食海
龍乘吉林欒家網鄉團開仗之隙竄入界屬朝陽鎮予帶隊迎擊追
逐二三十里因軍火不繼引退計斃賊百餘名我軍陣亡二人賊向
通化逃去至冬月初十日有吉林所收之南岡統領楊玉林混名十
四閻王巨匪也帶領三千餘名分踞屬境樓上食民擊之我兵覺單

收之乏餉當往善言開導約令仍回吉林不犯我界臘月初五日劉單子率匪五千餘人自通化折回時正令李曉吧欒鴻鈞收王洛道槍械狼子野心畔與賊合同攻朝陽鎮當飭前收之馮佩君迎敵連戰一晝夜相持未下劉單子帶隊強爲解合王洛道遂佔鎮街予將馮佩君調至海龍城迤西爲備制王洛道之計劉單子住六八石過年商民不安恐悞春耕予乃親赴六八石面曉以大義咸聽命未幾被開原來之洋隊擊敗王洛道同時亦逃復折入通化屬界二十七年四月初七日劉單子之僞統領馬育仁欒鴻鈞等帶領百七十人聲稱投降意圖騙予勒索槍械予識其詐將計就計陽爲欸待暗伏甲兵正同坐間馬育仁見事變回手取自帶小洋槍對予開放幸登

時將二賊擒斬復槍斃隨從十餘人餘黨鼠竄同時城南太平川鄉團又獲賊統領王之隆王殿奎等九名送城正法稟明大憲有謀勇兼優之褒四月十三日劉黨李吡吧乘間突入山城子綁去車哨官又令現收之劉寶書擊之大獲全勝陣斬百餘人奪獲大砲一尊車一輛抬槍二十六桿快槍四十九桿洋砲二十一桿大旗五面碎首飾半袋火藥一車子母兩袋卽分獎各兵將車哨官救回乘勝飭劉寶書赴通化追緝李吡吧馮佩君赴濛江追勦王洛道劉寶書中途遇伏右腿受重傷不能動接應隊唐敬師復被圍幸劉得勝血戰始得收隊回城而劉單子乘虛率匪以復仇爲名猛撲龍城匪勢連絡至百餘里時援兵未到予亟將我兵扮作外兵冲出城外賊悞以爲

眞也大驚退數里圍得緩乘勢檄鎮東營常玉順高文慶劉魁林張奎元等兵幫同守城四月二十三日辰刻借兵甫到賊之前隊繼至四面圍攻火光冲天槍砲聲如急雨賊雖猛我軍益奮鏖戰歷四五時之久日暮高文慶自六八石帶隊七十餘人由西面重圍衝進黎明馮佩君聞警馳至僅百七十餘人由海龍北山闖進當開城時混進賊兵四十餘名當被我軍查出正法時有李五亦欲爲內應予佯爲不知而陰防之遂令馮佩君劉義海帶隊擊東楊恩波劉得勝劉魁林張奎元等擊西至九龍口東西兩路分勦奮勇血戰賊不能支退至柳河迤南予因兵單不能窮追下令收軍賊見我兵之撤也復回攻城後隊繼至重重圍裹水洩不通一時許李志雲亦從樓上調

到由東奶子山登山進隊我軍見有救兵來援勇氣倍加開城擊賊
內外夾攻賊又潰敗是役也前後殺賊千餘內有賊首多名生擒賊
統領張振東一名卽行正法得獲抬槍四百餘桿大旗二十餘面快
槍一百餘桿正追勦間俄員高提督從吉林帶隊亦至予思所收各
隊皆係被洋人擊散者現經我收撫不知洋人容否單騎前迎毫無
把握而洋兵見我軍殺賊尸橫遍野槍堆如山深服我軍之勇遂議
合兵進勦賊因此得脫次日授意常玉順將內應李五梟首仍令我
軍前進洋人後繼從深山密林之中受忍飢露宿之苦道狹泥濘車
馬難行轉戰一月有餘追至八道江與高麗接壤處一律肅清回隊
至朝陽鎮洋員高提督晤予面亟稱我軍馮佩君鄒殿升劉得勝出

力異常囑予優保予據情稟報督憲酌保頂翎並稟明將出力之兵收爲義勇軍然因庫欸支絀邀同地方紳商稟設商民公司開帖發餉暫顧燃眉始得照定章編列成營海龍之商民甫有生氣矣是年十月城內洋行商人被戕於道洋員藉端收我軍裝將予勒調回省予乃自出囊資購買綢緞等物分賞各隊官安撫軍心並函知商民公司仍舊發餉以終其事在省未半年賊匪乘隙竊發綁人勒贖人命搶案一日三十餘起地方大亂商民紛紛晉省稟請大憲飭予回任然無鎗禦賊回城亦無濟也復蒙列憲向洋員據理直爭允給四百桿及給僅二百桿子母萬粒時事蓋若是之難也當以地方彫敝稟懇大憲奏免三成錢糧兵餉由省發給以紓民困皆蒙允行遂稟

辭於五月初八日起程途次山城鎮見百姓紛紛竄逃詢以近狀因兵無主將調度互相觀望洋人亦不出城通化諸賊王洛疙疸大犛牛丁藍旗川山甲等各率百餘名到處殺燒賊首王洛道逼近通化縣城圍場內鞠寶堂祥字大江東等時出綁劫擾害閭閻言之淚隨聲下良可悲也予即借山城子翼長印信札派李治雲勦南路王洛疙疸等一股馮佩君勦東南路王洛道一股派高文慶招降圍內大江東祥字令李治雲招降鞠寶堂實因軍兵不敷分佈勢難兼顧圍場不得不招撫賊隊藉以禦敵而張德勇天德亦帶隊自投遂疏通晉省道途救出被綁丈地委員雙吉到城後添派劉寶書常玉順高文慶張魁元等助勦王洛道連接數仗擒獲伊統領小劉單子並其

軍師周大法師綽號周武王者擒時猶身穿黃布馬褂頭包人血所書之紅布手持畫八卦竹扇其狂鄙可笑如此解城斬之始解通化縣城之圍拿獲裹脇餘黨七名卽時開釋出示曉諭散其黨羽各隊合力追擊王洛道僅剩七人窮蹙無歸改裝潛逃欲奔吉林乞降被團會查出拏獲解送吉省予恐又售其投降之詐也卽遣差稟報告林軍帥歷述王洛道焚殺慘毒罪大惡極萬難令其再逃法網稟到遂斬梟示衆李吶吧爲其黨所殺王洛疙疸等皆勢窮逃散十四閭王劉單子經洋人帶歸外國大股悉平於是將收撫大江東隊四散安插張魁元撥爲臨江縣巡捕隊張德勇天德隊分撥與唐敬師爲柳河縣巡捕隊天德頑梗不化隨卽殄除張德勇難膺首領亦行裁

撤鞠寶堂亦歸唐敬師管帶南界自投之十三樂同祥字等均隸於
白帶之中營佈置稍有頭緒嗚呼流賊之患人莫不知以賊攻賊爲
上策庸詎知收撫不易調撥更難乎今乃幸皆就我範圍矣因思生
者立功向善宜受褒揚死者爲國捐軀尤當旌卹爰於城隍廟之西
偏建立昭忠祠一所祀陣亡諸將士以慰忠魂祠成予手書毅魄忠
魂字額其上祭時各營將士有泣下者從可知忠勇之感也摯聖朝
之德化也深矣此海龍三年來治亂之始終也回憶予自戊戌到任
今則癸卯矣年逾六旬時更六紀自顧無才恐負重任而賊氛險惡
瞬息萬變惟持愚誠一片百折不回卒得以轉危爲安不可謂非邀
天之幸矣敢自以爲盡職乎哉乃都人士驚定思痛歸功於予或詩

或論或古風投贈不暇給久而成帙予甚愧之然守土者之責不惟
捍災禦患而振興文數尤職所當爲海龍地初開闢邑少絃歌使由
此講解切磋不懈而及於古則文化日昌兵氣益靖將所謂誘之使
至於道者非歟爰彙而付諸手民俾知今日之大局底定重觀太平
海龍全境出水火而登衽席商民之福也雖蒙列憲屢列剡章褒獎
過當予實無功以堪之則幸甚矣

按劉單子爲庚子年半官半匪之雜牌隊素質不良武裝不整軍
紀蕩然遺譏中外東邊數縣如興京通化海龍柳河各縣受害尤
重損失匪輕幸賴依都護以城爲難守之城而兵又爲至單之兵
卒能鼓勇殺敵斬獲無算致使劉單子率衆投荒久而自潰噫公

之功公之德迄今白髮老人津津樂道黃口孺稚孜孜願聞足徵遺愛在民勳勞在國也

戰後餘言

海龍府學堂堂常郁棟

棟幼讀史循吏傳曰某官爲宋璟所推則其人之政事可知又讀文苑傳曰某士爲韓愈所薦則其人之文學可知後人讀書尙論未嘗不嘆依歸之得主也而况株櫟之材得呈身於大匠巴人之曲又見賞於知音受片語之褒揚數皆前定得憐才於異地事豈偶然如棟今日者呼棟抵龍府以後生之禮拜謁依公甫覲面與裴綽談如聞古瑟共蘇瓊坐已入青雲時郡人以公素有德政囑棟爲文棟謹按公行政誌文一首公乍見面有愠色繼而殷殷獎許歷歷稱揚併將

戰守事蹟暨賢士大夫諸詩囑棟重爲刪訂伏思棟學無根柢文藝

粗通聞命之餘何勝感愧在公鼓勵爲心無妨誇大而善善之意太

覺從長昔龐士元稱引人才動或故溢其分古君子之高風卽今日

之見待也庾信所謂鰲戴三山誠知其重矣謂固辭斯命耶則有負

我公之望謂敬膺斯任耶則不免童子何知而且江郎才大筆底生

花杜牧吟來詩中有骨集中之著作何待品評也况乎月沉東海早

掩星光雲近太陽自然金色公已編集之贊修之卽才出棟萬萬又

誰能增減一字也此棟所執筆頻驚而掩卷自問者也昔嘗自詠云

人逢知己常忘倦文到臨時轉覺難其此時之謂歟故僅將集中未

補之詩及戰時公牘逐次叙錄棟復又擬作二十節以表不敢藏拙

之意後之觀者貴得其通爲循吏傳可也爲兵書可也徒拘拘於戰守事蹟則不可也然而能以依公待棟之心曲爲原諒也則幸甚矣
光緒丙午年晚生常郁棟於海龍府學堂

戰後餘言

常郁棟

第一節叙戰守事蹟之本源也

夫南國有甘棠之詠詩載召公襄陽有墮淚之碑史稱羊祜古大臣行愛民之政成不世之功未有不載諸篇章垂諸後世者也而況城懸孤地賊逼郊關選仗則武庫甲稀告急則紙鳶信斷卒能以寡敵衆轉危爲安洗三邊之烽火活一郡之商民者乎然而書於太常著於史冊者國家報功之典也傳之歌咏譜之詩章者小民感戴之情

也豈有建熙天耀日之勳而功無所表爲治國安民之政而名不能稱此戰守事蹟所以爲我依公而作也

第二節叙我依公之至海龍也

公之初來龍城也值李黨亂後餘焰未燼之時公則苟羨遷官數州兼督姚崇應變十事要君羊續清官常布衣而問俗任延政簡每策馬以巡鄉喜怒不形於色使人知所從違成見不存於懷方寸毫無適莫戴白垂髻者滿仲華車下宛舌同聲者談吉甫清風其時人但知公覆物之高明而不知公成物之悠久也

第三節叙依公之整頓庶務也

爾乃講求營制舉行保甲夜無桴鼓合郡安眠野有桑麻使君便笑

子產爲政惟其猛也魯莊察獄必以情也案牘似秋來之葉風掃皆空吏胥踏冰上而行心鏡自怯仁有所聞則以術濟之律有所窮則以意通之斯時也人但知公吏治之獨優而不知公將畧之素著也
第四節叙依公之修城池也

公乃於農事之餘爲膏城之舉起其積土壘以短垣夫逼陽以城小而固卒以得存莒人以城陋在夷終歸於滅况龍蕞爾之區城懸邊地萬一巨寇當前則臨渴拙井其何以濟公則謀之深慮之遠以爲咎之於既往不若防之於未然則此一舉也後日之守城基於是焉生民之託命亦基於是夫以武侯之明猶未敢逆料以晁錯之智猶不能預知獨怪龍城之民有以爲迂而笑之者嗚呼燕雀在堂子母

相樂棟折將焚不知禍之將及也其龍城之民乎

第五節叙依公之平拳匪也

庚子秋拳匪大起肆行無忌公憂其亂也自持槍擊散之且知其詐也以其詩笑置之夫神降於莘虢公禱焉妖見於鄭惠王惑焉斯時也官府信之草野惑之獨公惟靜乃成惟誠乃斷惟其靜也故能識天下之微惟其誠也故能格天下之物靜能安安能慮慮能得大學之道也誠則著著則明明則動中庸之德也而公則有之區區之拳匪又何害焉

第六節叙依公之收連璧也

至八月京津變起禍及遼東華洋成一棋局宇宙半兵場矣西北則

吉林一帶潰勇接踵西南則遼瀋數城敗兵又至有連壁者由吉省
至率衆數百因軍餉支絀來境求留勦之則城孤力薄撫之則禍及
生民諺云兩利相形取其重兩害相形取其輕其此時之謂歟公則
相機度勢因時制宜以爲在彼處萬難之勢在我爲有用之資與其
激之以生變不若緩之以示恩而況在國家皆爲百姓在天地皆爲
蒼生吾開吾誠吾布吾公又何懼哉收之而已

第七節叙依公設計以勦畢黨也

未幾而畢黨又至矣恃其甲兵之利恃其羽翼之多直逼郊關意懷
巨測斯時也新收各隊尙未折服餘焰方張礙難兼顧尙必追奔逐
北滅跡掃塵勿論強弱異勢勝負不可預決即幸而勝焉安知不結

其餘黨收其餘燼萬一挺鹿走險急何能擇能保其必勝乎有以知其不能也兵法云知己知彼百戰百勝公則計之熟矣故以計誘之曰靖邊門外觀汝之兵不意賊更狡猾輒先起釁哨官擊斃兵亦隨之噫嘻岌岌乎險哉蓋亦以危矣然而城之所以無恙賊之所以擊散者皆公之力維之也

第八節叙依公之自擊劉單子也

然徒恃智取則有時而竭徒憑術馭則有時而窮不親敵愾則我武不揚不自將兵則軍威不振世民督戰而突獺稽顙稱臣眞宗親征而百姓咸呼萬歲又况天道禍淫賊黨必亡之理人心效順匹夫無不報之仇此公所以因劉賊入界親自追擊而不容緩也

第九節叙依公之開勸閻王也

夫震必繼之以良良者止也蹇必受之以解解者緩也孰意劉賊甫退楊黨又來混名十四閻王素稱巨寇帶領三千餘衆分踞食民倘必乘我餘威習我戰力勿論疲兵再戰一以當千且恐軍火難繼坐以待斃公故善言開導約令不犯我界所謂魏徵一言勝十萬甲兵相如片語作萬里長城公則有焉

第十節叙依公之制備王洛道也

斯時也劉單子由通化縣而復來矣王洛道攻朝陽鎮而遂踞矣李爨兩黨畔與賊合劉王二人暗通消息戰敗則此爲彼合戰勝則彼爲此助外多銅馬大槍之寇內有貫高蒯徹之謀抱九地九天之智

莫可施爲聽一甄兩甄之鳴長圍漸逼而且年光已度農事方興轉瞬大局何堪設想公以爲欲制李等必除王黨欲除王黨必結劉賊故親赴劉營曉以利害而賊皆俯首唯命是聽嗚呼郭令公單騎受盟趙子龍一身膽量不圖今日於我公見之

第十一節叙依公之識破欒馬也

由是欒馬之黨亦識破機關矣以爲彼以計來我以術取彼卽求勝我豈能求敗乎哉故聲稱歸附意圖勒索不知同一計也出於正則爲智出於邪則爲愚同一術也用之於公則爲巧用之於私則爲拙大抵天下事有奇智者必有奇愚有大巧者必有大拙不獨欒馬已也故識其詐也爲酒醴以宴之知其變也伏甲兵以防之夫鴻門舞

劍漢高猶得還軍晋室伏兵趙盾猶能出境而况乎早識其變也而况乎已入吾彀也果爾二賊授首餘焰潛逃宜乎稟明大憲有謀勇兼優之褒焉

第十二節叙依公之守龍城也

然而賊以復仇爲名矣然而賊之前隊繼至矣則見夫郊原四面望之如林陰者賊營之連絡也邊城一帶視之如夕照者火光之冲天也黑雲捲地聽之而心驚者礮聲如雷也塵沙撲面避之而弗遑者槍彈如雨也斯時也棄城而走誰能遽責張巡赴敵而亡亦足追風光軫公獨身先士卒誓與城亡激以義聲空拳皆爲明鎬置之死地烏合盡作鷹揚復又分爲兩翼以便夾攻僞爲俄兵突出城外賊誤

以爲眞也大驚繼命戰士直抵山中賊喜以爲援也遂敗嗚呼公之心苦矣公之志堅矣然而公之名以從此立矣

第十三節叙依公之除惡務盡也

夫然後一軍出龍口一軍出通化一軍出濛江一軍出柳河絕其根株剪其枝蔓少焉俄兵又至單騎前迎議合進勦甘爲後應我軍奮不顧身勇氣百倍從深山林密之中受露宿忍饑之苦直追之八道江與高麗接壤而還較之魯侯追戎不過濟西秦皇立界只止臨洮智竭囊底功止寰中要未有如我武維揚殺敵之勇如今日者說者謂國之福也民之幸也而不知公之勇也公之功也

第十四節叙依公之辦善後事也

公復以地方彫疲籌款礙難和議甫成軍需告絀爲將者旣得獎勵爲兵者何以瞻身使不於此時勞來之糾集之不第巨寇再來束手無策且恐我兵四散爲禍愈深故設公司以開官帖不惟發餉而且助商昔充國屯田且戰且守武侯守蜀爲農爲兵公餘善後之餘爲治安之策老成謀國之心良相投時之舉胥於是觀焉

第十五節叙依公之復來龍城也

然而陳湯有五口成功汲黯無十年之不召况功大則起疑心戰勝則生夷懼俄人乘間藉口爲辭大憲礙難命公赴省斯時也使君活汝父老哭於門前賢者遷官百姓爭於境上公則束裝就道竟賦南征民則晉省請留仍回北轍公又覆稟憲前請槍數百現年正供奉

免三成嗚呼公愛民如子之心民望公如歲之切觀於去留之際昭然若揭此借寇之舉公之德也民之情也其能已乎

十六節叙依公之復平禍亂也

况乎公歸半載賊勢復焰將無戎心兵無戰志倘公三日不來則事之成敗未可知也十日不來則城之存亡未可知也公則日授韜畧耳聽羽書途次山城命將四出駕臨龍府大股悉平收撫餘黨以除其姦殲厥巨魁以杜其患斯時也龍城之民困而又蘇矣噫豈龍城之亂非我公不足以平歟抑我公之功非龍城不足以顯歟不然何以公去則民皆失所公來則立見太平也

第十七節叙依公之修昭忠祠也

公乃思陣亡之將殞命之兵爲國捐軀當思圖報舍身救主宜慰忠魂而況死有萬端只疆場之功大祀有七典惟忠義之道高爰於城隍廟西偏立昭忠祠焉歲時祭祀嗟呼分廉泉之雨露直達窮泉感將士之心腸能無流涕春秋兩祭勵古今臣子之心木石一堆增國內山川之色想死者有知當亦含笑九原感公之德於靡已也

第十八節叙依公之崇文教也

公復以龍城之地文教未興乃鳩工人以興土木旣修文廟復設學堂爲樂輸捐以終其事又賺荒產以補不足每逢季課之餘公親獎勵偶有奇書可讀公必傳觀今者招募學生入堂肄業妥籌經費晉省延師卒使東山泗水之宗學傳邊地鷺洞鵝湖而外統紹龍城者

非他人之力皆我有以成之也

第十九節叙依公之支應俄兵也

彼夫俄日失和俄兵入境賺買軍糧募招民勇公恐其擾害閭閻也設交涉局以理之復慮其虧折價值也用地方款以濟之俄官强悍公以柔制之通譯狡滑公以剛克之厥後憚公之威不聞掠取遇公有禮不犯絲毫者猶公之淺焉末焉者也

第二十節叙依公之代理知府也

所奇者大憲以公爲東方之砥柱故命爲都護而仍典外軍以公爲邊地之屏藩既命爲旗官而兼撫民署自龍城開闢以來都護之榮未有如公者也夫鄭武公再世司徒韋元成一門宰相公於一身一

邑之中榮名並享方茲榮寵殆有同焉今者五魁片石半似碑銘柳水一灣幾成湯沐三邊士女皆公之遺民數代江山皆公之陳迹此日連篇唱和頌我公再造之恩他年指日榮陞定海內軍民之慶

依公守城後之謳功戴德

縣紳候選知縣附貢生王在鎬京甫

嘗聞有非常之事必賴非常之人有非常之變乃克建非常之功非常者非常人所可能也若夫從容坐鎮慷慨誓師忠義奮發智勇深沈卒能固金甌之無缺免玉石之俱焚者惟我公能之乎公以戊戌歲蒞任海龍正值多事之秋庚子歲拳匪肇亂公親擊散之嗣是逃兵潰勇繼以外兵擾擾攘攘無虛日公或剿或撫多方布置厥功難以枚舉而獨以守城一戰爲諸功冠何也以城爲難守之城而兵又

至單之兵也查海龍一古土城耳孤懸邊地墻卑濠淺又經年久頽圯往來行越幾成坦途公乃相度形勢作未雨之謀芟其榛莽起積土而增築之四角壘以短垣置礮於其上工畢人或迂笑之而公不顧也及劉單子悉衆攻圍卒藉以資捍衛經一晝夜而無可如何使非有先見之明能不束手待斃乎公之前事預防者如此斯時也所收各軍均奉命四出進剿王洛道等城中僅四五百人耳賊隊萬餘來撲於烽火燭天礮聲震地之時怯弱者又潛逸大半公則身先士卒親接血戰誓與城共存亡未去者盡感奮無不以一當百聯絡巡擊又密調援兵於百里之外兵兼程至內外合攻而賊乃大敗使非恩信素孚能必保其神速乎公之臨敵制勝者又如此夫難守之城

兼至單之兵而竟保全大局商民又安故曰爲諸功冠也至若外兵之忌赴省之留公去則仍遭塗炭公來則立見太平爲安兵而籌餉因開帖以通商皆守城之餘功難以枚舉者也所以據情入告大憲褒守土之勳感德聯吟多士蒙如天之福公竟不自居其功焉然而不遇疾風焉知勁草不經板蕩誰識忠臣公以六旬之年華處萬難之時勢獨奮鷹揚之志迭奏虎變之功孤忠與孤城並垂於不朽今者追思往事回首豈能忘情乃自將海龍戡亂事實彙集始終手訂一冊以誌之亦足見盤根錯節利器攸別矣此卽所謂非常之事非常之人非常之變非常之功也鎬幸叨覆庇深荷栽培沐再造之鴻恩出於公賜覽連篇之駿烈不盡神馳用是不揣固陋擇尤節錄載

拜而爲序云爾

清光緒辛丑七月下浣門生王在鎬拜撰

又

辛魁紹元甫

庚子變亂後俄人站距各城官軍無幾又乏器械四外賊寇嘯聚多夥一股卒發羣寇響應關東之地完膚維艱其大者煙集崗賊曰劉永和綽號單子旂書忠義軍吉林招撫賊曰楊玉麟綽號十四閻王旂書鎮東軍各數千人李吶叭王洛道二道江大江東以及欒馬劉王諸僞統皆其餘黨者也後皆分枝各率數千人設使過江以還一由土口子向開原則俄兵全力當保清河以護鐵路一由渾溝河直指瀋陽則省無守備安望瓦全首善淪亡萬賊齊舉其禍患正有難

以言喻者增帥聞海龍之警而深憂派榮協領崇叅領出城安插難民恐搖人心又遣多人偵探百餘里其意蓋以是耳幸而賊未及此而總管依公又能撫之使不南下戰之務令東逃以致關東無恙關西不憂其功豈徒保此海龍一城哉賊匪之攻朝陽鎮也總管帶隊協團爲之護守屢戰屢捷賊已退去詎料子藥不繼勢不得不化戰爲撫保全商民羣寇之中有感總管之恩而實心出力者有視總管之易而陰持兩端者而總管洞悉其情恩威並著則賊匪雖多而地方未甚蹂躪者以見總管之籌畫有方也但自辛丑十月至壬寅四月半載有奇應酬不暇軍需甚鉅其間俄人入境尤費供張非有總管之精神才力安能諸事裕如耶惟賊匪之中最狡獪者其二道江

李曉叭乎二道江猶可利啗而李曉叭貪得無厭縛山城子車哨官奪其軍器刑訊海龍虛實而劉單子又令變馬二僞統來謁總管意欲擁之西去如額森故事挾索以壓其貪心而總管預知早已陰爲之備也馬覺之取洋槍以擊總管轉二輪未應蓋有天焉不可強矣而唐哨官等極力將二人擒獲梟示從人逃報賊衆圍城此四月二十二日事也土城不固人心難堅城中之兵不過數百庫中之藥亦屬無多而賊鋒滿地火光燭天僉勸暫避以俟緩圖而總管力却羣言心惟死守次日李治雲等由東來援又次日馮佩君由北來援二人皆帶有百餘人而其竭力殺賊以一當百寇始退去城賴以安然食不知味寢不安席已三晝夜矣斯時俄人來援於五十里外偵知

賊盛而未敢前及俄帥至而始至朝陽鎮其時賊二日矣會同往追而馮佩君等率隊在前俄兵繼後百戰百勝直至賊無踪影而後已俄人盛稱海龍之兵甲於天下先前之藐視中邦今一變而欽佩無極也俄兵入城百姓被擾總管力爲排解因拂俄意俄員誓令離任稟調進省海龍人民從之如市呈借寇君增帥達情俄長官洞悉其事撤去俄兵總管回任夫民之呈請者豈因此日之戰功哉誠以夙昔之政治耳彼時兵無主將賊又竊發總管至山城用翼長印信調隊往勦始稍安謐接任之後設商農工司以調錢法立昭忠祠以慰忠魂兵制重修鋪商塾本水旱陰陽時時加意人民盜賊在在留心其有關於民生利弊者莫不痛加興除以冀治臻於上理今更剏修

書院培養人材海龍之士風不將冠於通省乎故入境而聞父老之言謁城而見文人之什其頌聲有同然也雖然猶有可慮者海龍之人強風悍盜賊易生林密山深匪徒能匿而總管既保記名又經卓異升途在即雅化難常繼之者如不得人五年以後未知如何然人不必無疾而呻事第即隨時而論取總管之可歌可頌者筆之爲序以期永垂於無窮口碑也實錄耳豈余阿好而表揚哉

光緒癸卯仲冬於海龍旅次

拳匪之亂

清光緒庚子義和團起本邑放僻青年習演其拳術冒名三國誌書之名將及封神演義之諸神始則設壇於縣城恣意叫囂掌壇者稱

大法師黃巾勒頭黑烟抹面儼然一怪物也是時總管爲依凌阿通判爲孫長青憚於威勢不敢驅逐繼則散布於村鎮而村鎮之鄉約保正會首等尤畏之如虎於是焚教民之房抄教民之家罰教民之欸間有殺戮教民人口者而教民之親戚教民之朋友教民之鄰里因之而被株連者亦時有其人亦云慘矣是年秋人不堪其擾群起而攻匪因之逃散此禍始解然元氣已剝喪殆盡矣

庚子拳匪之變

是年五月忽傳省城有人練習義和拳倡言保國滅洋遂焚教堂殺教民女子練習者名紅燈罩奉天副都統馬步全營翼長吉林晉昌極爲崇信未幾本城有旗隊弁兵數名柏姓德姓等合游民十數人

練習義和拳又名神拳既而人漸衆竟於五月十五日取西關耶穌教徒李姓者（外號李五奸虫）殺於城中關帝廟前圍觀者甚衆此地介旗民兩署間無過問者拳匪殺李後勢愈熾公然放火殺人晝夜喧鬧尋讎報怨不曰十大惡卽曰頭有十字被害者不止教民也旗兵數十名隨其後名曰保護寔暗助也拳匪殺人則從而越貨設神壇於城內旗兵中哨營中掌壇者名大師兄朝陽鎮山城子兩鎮拳匪相繼起皆游民惰工內無兵弁而官兵亦不爲助時奉上諭謂拳匪爲義民徧佈謄黃命官吏保護上諭有彼恃兵力我恃人心雖五尺童子亦知執干戈以衛社稷樣子哨者舊隸通化現爲金川縣設治委員駐在地有拳匪百餘名抄沒教民積資頗鉅本城拳匪艷

之斥其神拳爲僞往襲之殺戮甚衆多被官兵擊死時大雨屍蔽街衢血流漂杵半未成年者朝陽鎮拳匪聚二百餘名於六月中西行聲稱赴省助戰路經治城行列甚整以大旗兩面前導分兩行童子在前成人在後前低後昂以次排列皆執單刀法師則懷劍在後搖首瞬目稱其神爲孫悟空時本城之拳匪大隊在山城鎮搜殺教民至該鎮相遇知其資斧甚當刼殺而奪之海龍有旗署制兵五哨屬總管而廳署僅有捕盜營民勇二十餘名一外委帶之通判孫長青偶與拳匪忤竟羣至廳署堂皇叫罵刀砍其轎車未幾又有旗籍兵弁十餘名習神拳據總管署西院老虎洞爲神壇老虎洞者乃總管驗放領催甲兵較射地總管依凌阿帶戈什數名便服閒行遇該拳

匪數人於署前向之索刀未卽與內一人遽以狗官罵之時內地拳匪敗聞已至聯軍已入京總管大怒因令其戈什呼護衛小隊毆之拳匪鴟張久謂官吏不敢犯驟經此駭甚爭越牆奪門跳免會斯時城西二伯丹教徒白某全家逃匿圍場深林中構團蕉以居二伯丹固有天主堂白乃教中巨擘家頗富闔族男婦數十久之乏食白某冒險帶一健男潛歸取糧爲拳匪掩獲以車解往六伯丹神壇將殺之以白係著名教徒必送神壇所在地以表功也其所帶之人逃回家人情急乃擇健男數人各持快槍拚死奔救及於中路伏禾稼中俟其至突出要擊斃拳匪三逃去十餘遂將白某救出先是謬傳習神拳者槍刀不能傷故其所至雖勇士壯夫無不俯首就死莫敢稍

抗至此乃知拳匪可擊教民漸歸結團備械以爲防禦而拳匪亦遂散蓋外兵俱入城下乞盟奉天將軍增祺逃去久省城政務賴督學使者鄭（名未詳）主持已有告示解散故也本城拳匪掌壇者稱濟顛黃天霸武松而先鋒則稱姜子牙黃天化哪吒咸以小說爲標榜諸可笑類此案拳匪之變爲有清亡國之根亦中國一大厄劫各處公私文牘於拳匪之始末緣起記載甚詳惟省外郡縣而本城之拳匪較他城滋擾特甚以有晉昌主持於省中而官吏承風暗爲縱容且助以兵力豈盡無識哉利令智昏也總管依凌阿先極寵護後見其敗乃擊之以邊城無人舉發免於罪亦倖矣

神武營潰兵之譁變

庚子八月間拳匪解散後忽有神武營潰兵約百六十餘於閏八月二十二日來城分駐東關各大店其營官畢永昌外號畢秧子即本城東關人具中人產在東關路北有店房一所先是本境六伯丹住居之覺羅廣惠人稱惠五爺饒於資拳匪起探悉將用兵遂進省資緣馬步全軍翼長晉昌得成一軍曰神武營卽以其爲統帶分五營五哨遣人分投各處招募其所遣者多亡賴率以賄進能募一營爲營官募一哨爲哨官所募之兵多遊民逋賊晉昌無識一見廣惠壯之兵始集未經訓練遽以最新最利之七米里槍予之領槍彈到手卽譁變搶銀庫焚掠華豐官帖局旋即東竄以廣惠及畢永昌皆海龍人畢帶潰兵於閏八月十二日遂先來此沿路擄掠財物甚多人

人飽載擄大車數輛滿裝財物時城中有總管依凌阿所轄之旗兵三哨約二百餘名軍裝槍械甚整畢至城謁總管懇留於本城駐紮總管陽許之令於西門外教場聽候點驗點一名註冊一名未經註冊者斥之陰令三哨旗兵密爲之備屆時聽暗號解除其武裝不從則擊之閏八月十三日日將落時兩軍齊集教場箭亭前潰兵列於西旗兵列於東始成列詎旗兵情勢已露潰兵先有備竟用踏足爲號遽開槍向旗兵轟擊旗兵應敵双方槍如爆竹約三分鐘而潰兵向西北逃散乃止相距不過三十步竟未傷一人其往教場點驗時人民隨觀城牆爲之滿槍旣鳴遂倉皇下城避匿相距不一里亦未傷一人總管亦在城上遙視槍響後乃聞其大聲呼令很擊蓋係督

飭旗兵也是夜總管馳令各鄉村團練分路堵擊次晨始知去教場西里許擊斃潰兵一驗其制服似是哨官是地距西關天增當後棧甚近乃其護院礮手在北礮臺聞變用擡槍約略瞄擊幸而擊中潰兵倘誤傷旗兵亦危矣自此鄉團見西來潰兵卽擊有曰打死一潰兵得其軍裝財物馬匹愈於打一鹿茸而潰兵亦與本境爲讎入境則恣竟燒擄此地方禍亂之始也半載烽火皆肇於此嗣收降籌餉增重人民負擔胥是階之厲也

忠義軍之竄入

忠義軍起於通化其總統綽號劉單子擁衆數萬以扶清滅洋爲名到處裹人壯其聲勢並強迫民間插其旗幟給以營官哨官等名目

有不插其旗者火其房戮其人而鄉民勢不得不陽爲附和陰爲反抗清光緒二十六年竄入海龍海龍總管依凌阿通判孫少卿以衆寡不敵亦陽示懷柔冀其不擾亂治安來則出城迎之食則盡力供之一日忠義軍統領藍其姓者擬綁總管爲肉票總管乘其不備於宴會席上擲杯爲號令游擊隊營長劉寶書等斃之異日劉單子等率其黨羽數萬圍攻海龍爲其統領復仇幸士民助之於內兵勇擊之於外此圍始解而海龍得以無恙然四鄉之被其災者不堪屈指矣各匪進出海龍之詳情析列於後

十四閻王之入海龍

庚子十月初七日有號劉單子者由吉林南岡率潰兵數百奔朝陽

鎮所至焚掠劉本獵戶名永和家居本城右翼山城子西五里堡子因所爲多不法乃竄居吉林延吉岡一帶交結山中諸匪時共行劫其發槍輒命中人因以單子呼之爲匪旣久凡諸亡賴及逃兵遊勇多與之交庚子拳匪亂後俄兵至吉清兵拒戰而敗其潰兵散卒無所歸因劉年長羣推爲首聚七八百人名忠義軍劉自稱總統旗上大書欽加二品銜賞戴花翎識者笑之劉於十月率衆至吉林磐石之樂家網時海龍總管依公信清剛門教劉在延吉岡時習之探爲同門爰遣人來求借駐海龍籌辦衣糧依慮其入境爲害難制遂允以衣糧資之但戒其不得入境爰遣兵賚送棉衣數百襲靴鞞數百双與劉約如約然雖允不入境其寔無所歸竟於某日敗約南侵其

前鋒至吉林磐石界之樂家網屯將該處攻破進窺朝陽鎮依總管
得探報遂率旗隊制兵五大哨四百餘名並調集各社團練數千名
禦之於朝陽鎮北因兵與民團倉猝集合步伐不一不明陣法前後
左右指輝不靈進則擁擠退則踐踏開戰未久前敵稍不利下令稍
退遂亂竄衝動全隊竟大敗依總管親身督隊不能遏止然陣雖亂
衣冠當衝而立槍彈幾及其身屹然不爲動經其左右曳下陣地見
不堪再戰乃退回海龍城中時九月初八日也兵旣敗回遂置朝陽
鎮於不問依總管爲子嗣計先已聘胡氏女爲妾乃於是夜迎娶花
燭後土匪潰兵將城南各商家搶掠一空並火焚數家始聞變有總
管材官額勒琿者勇士也夜再扣總管寢門請令兵出城擊捕不應

額不得已自約親近三數人登南城牆鳴槍作出兵勦擊之勢賊始散忠義軍既攻入朝陽鎮大肆槍掠盤踞一日夜俄軍聞信追至時俄軍雖視中國兵爲仇敵然聞有賊亦勦擊不稍緩俄軍將至朝陽鎮忠義軍探信先逃俄軍入朝陽鎮頗守軍律間有搶擄及強姦婦女尙係少數兵私出外爲之軍官則不知也人民向未見俄軍聞其來驚懼非常初十日聞俄軍將入城除官兵先期匿避外旗民兩署僚佐吏役多盡室潛逃商民亦紛紛閉戶遠竄十一日上午俄軍入城依總管孫別駕接待如禮未至大擾僅供其柴草麵粉而已信宿乃西去取道山城子鎮赴奉天時有住居山城子舉人徐玉璞謁見總管請商俄官酌留俄兵二百駐城以資鎮懾因與總管意見相左

未果俄軍行動其大隊直行大道另遣哨探隊分行南北山岡以資瞭望而爲斥堠至山城子鎮時人民之逃避如織仍有少數俄兵私出姦擄鎮街河南牟姓大族也分三院而居以閒房僦居外戶數家各院婦女均逃避遠去祇有三婦未逃內一楊姓婦均年在三十以上旁午有俄軍十人掩至咸被姦污時男子皆畏俄軍之勢雖有十數人在前束手長歎無可如何街東門外亦有被其姦污者且有劉姓男子原係歌兒因衣服妖冶類婦女致被姦污自取也可爲衣服不整者戒逾二日方去俄人去後遂有吉林潰軍鎮東營數千人至朝陽鎮南樓上一帶駐據先是黑龍江省城旣陷俄軍遂侵吉林將軍長順以兵力不足招募南岡等處礦丁爲新軍以備禦敵南岡有

著名賭匪楊玉林者奉天蓋平縣人以捕役出身後至延吉岡賭博潛通土匪黨羽甚衆綽號十四閻王應募爲統帶號召游民潰兵數千名名南岡鎮東營始成軍而俄軍至遂不戰而逃潰而爲匪到處焚搶劉匪旣攻入朝陽鎮該營遂至樓上盤踞不去總管正擬派兵往擊旋有該處吏員朱文達及城居增生劉紹唐等見總管懇請不擊就地籌供粮秣藉以保護地方抵抗其他潰兵土匪亦計得也正

在往返磋商之際該匪等調知海龍無備遂於十月初十日乃將全隊突至先派隊數營分布城四面三二里及本城東關大商號駐紮以防勦擊是日上午傳報十四閻王將至總管稱病喉痛未往孫別駕乘車迎於東燒鍋在十四閻王未至之先前驅數隊各執大旗先

後抵城午後二時十四閻王到親兵數百名前後衛護前豎大旗兩面大書統帶吉林南岡礦勇鎮東全營楊背有令箭者二人前行又有二人背上橫負黃布捲兩端下垂若戲劇中之背聖旨者又次背印者二人楊戴三品頂花翎紫貂皮窩兒兔帽反著槍刺對月花馬褂藍甯綢面狐皮裘青緞粉底靴乘黃馬左右二人執轡二人扶鐙均頭戴紫巾緊縮褲襖如戲劇中之馬僮妝飾至東燒鍋孫別駕迎於路側趨與爲禮楊見之下馬答禮言亦謙遜入城住東門裏中和當向日初更時必由廳署鳴礮名定更礮至是移於中和當門前鳴放自楊到城官商對伊皆以官軍待之彼雖到處搶掠然仍用吉林官軍名義其幫統梁某號二道江尤惡因見旣以軍官相待遂不得

不以軍官自居乃禁止部下搶掠姦淫始獲相安到城之次日總管見該匪等以軍官自居始往見門軍有辱罵者立加斥責並語楊匪痛懲自是稍洽城外有小醜搶劫楊匪亦派隊往捕案誅雖賴待遇有方未至擾害居久之該匪等毫無去志供應浩繁恐一旦失歡全境糜爛欲求其去苦於無術總管衙門總司達隗明熙字文敬者精文牘有權謀代總管籌曰楊等既稱吉林軍隊宜遣幹吏持密牘連夜往吉林省城請吉林將軍來文調楊等全軍開回南岡鎮守如遵調前去甚佳否則抗不遵行即賊也再另行設法及吉林來文楊等以爲吉林將軍尙念及伊等甚以爲榮持文誇耀於衆遂尅日離此赴吉至朝陽鎮因其黨出掠撩棒嶺被該處劉鄉約帶鄉勇堵擊斃

後抵城午後二時十四閻王到親兵數百名前後衛護前豎大旗兩面大書統帶吉林南岡礦勇鎮東全營楊背有令箭者二人前行又有二人背上橫負黃布捲兩端下垂若戲劇中之背聖旨者又次背印者二人楊戴三品頂花翎紫貂皮窩兒兔帽反著槍狽對月花馬褂藍甯綢面狐皮裘青緞粉底靴乘黃馬左右二人執轡二人扶鐙均頭戴紫巾緊縮褲襖如戲劇中之馬僮妝飾至東燒鍋孫別駕迎於路側趨與爲禮楊見之下馬答禮言亦謙遜入城住東門裏中和當向日初更時必由廳署鳴礮名定更礮至是移於中和當門前鳴放自楊到城官商對伊皆以官軍待之彼雖到處搶掠然仍用吉林官軍名義其幫統梁某號二道江尤惡因見旣以軍官相待遂不得

不以軍官自居乃禁止部下搶掠姦淫始獲相安到城之次日總管見該匪等以軍官自居始往見門軍有辱罵者立加斥責並語楊匪痛懲自是稍洽城外有小醜搶刼楊匪亦派隊往捕案誅雖賴待遇有方未至擾害居久之該匪等毫無去志供應浩繁恐一旦失歡全境糜爛欲求其去苦於無術總管衙門總司達隗明熙字文敬者精文牘有權謀代總管籌曰楊等既稱吉林軍隊宜遣幹吏持密牘連夜往吉林省城請吉林將軍來文調楊等全軍開回南岡鎮守如遵調前去甚佳否則抗不遵行即賊也再另行設法及吉林來文楊等以爲吉林將軍尙念及伊等甚以爲榮持文誇耀於衆遂尅日離此赴吉至朝陽鎮因其黨出掠撩棒嶺被該處劉鄉約帶鄉勇堵擊斃

匪數名二道江遂帶大隊將劉之妻及二子一六歲一四歲縛至朝陽鎮殺死先殺其子後殺其母見者落淚未至吉而潰因其中多游勇積匪不願受官家約束復擁楊竄入海龍東境旋取道山城子南往西豐縣境未幾敗回折入通化八道江一帶盤踞

劉單子之入海龍

十四閏王之鎮東營既去劉單子遂知海龍虛實亦欲入海龍矣乃於十一月二十八日率衆數千仍稱忠義軍由通化掩至先遣隊四五營駐城四外是日下午三時依總管孫別駕迎於南門外南橫街東下坎格圖肯門前另有旗兵兩隊鳴號攜帶鼓樂由河東岸南迎總管見之甚不悅問迎劉何必如此係何人主辦無人答遂已旋見

人馬自南來分數隊先後疾馳未幾劉單子至帶輕騎四五十名風
飈電掣而至劉年五十餘紫貂皮窩兒帽戴二品頂花翎翻著槍
翎對月花馬褂藍甯綢狐腿皮袍粉毛布底青緞靴乘小青馬惟胸
前挂灰鼠皮一張俗名鼻涕鬼乃年老人冬日用之揩鼻涕捺鬚鬚
者腰曳白布手巾一條殊不雅觀見總管別駕候於路側急下騎辭
曰我海龍人公皆地方父母官寔不敢當寒暄甫畢即超乘而馳入
城亦住中和當雖亦未至大肆搶掠而部下鮮秩序不似十四閩王
之整肅其兵出城外則向農民換衣換馬換靴鞦皆以不堪者而易
最佳者雖美其名曰換實與強搶無甚差別其衆無定額來則收之
以利其人數之多城廂四鄉均有匪衆磐踞先是鄉民慮匪隊佔居

託人向劉單子請發一黃旗上書忠義軍鈐其偽印插於門前匪衆見之卽不入未幾請旗者日多匪衆見之乃變其詞曰此處已跣安駐所遂蜂擁入院佔居因普通行軍凡先驅尋安宿泊者門外必插旗以爲標識故匪衆云然緣該匪等本無真正統屬亦非絕對服從及見插旗者日多乃置之不理且故意佔居使人民之敢再請旗爲護符有向劉匪告之者亦無可如何始而勾結地方不遊民土棍各招醜類爲黨羽名忠義軍某路某營某哨募衆百餘則稱營官募衆二三十則爲哨官到處任意食宿搜擄民間槍械掠奪騾馬儼然官匪繼而地方鄉勇富戶見不能免匪擾亦皆請隸屬於忠義軍冀同類相憐劉喜自詡其衆來則受之不問其人數之多寡器械之有無

惟以虛聲相炫耀亦有不能號招黨羽者但擁有家資或相貌魁梧
劉亦必與一稽察等名目以致徧地皆匪良莠莫辨故該匪號稱忠
義軍爲二十萬非飾詞也鎮守奉天將軍增祺甚患之聞有將攻省
城之謠致將省垣各城門晝閉數次授兵登埤每日探無消息始止
屢擬派員收撫以該匪等要求太屠未果時旣徧地皆忠義軍亦人
人以僞統領營官哨官等自命但向劉請委無不與以僞劄者無恥
者皆拜劉爲義父勢尤張大僞官旣多頂翎官帽無處覓購頂則代
以琉璃球色不符以顏色塗之賣花店之琉璃幌皆串以長葫蘆式
高近二尺廣亦六七寸約用五色琉璃球百餘有一幌即售錢甚鉅
蓋匪衆於此等物視爲陞僞官之貴重品尙不肯強取各畫舖則糊

製僞令箭日不暇給治城及朝陽鎮大小商店先閉門街市往來皆賊兵各商家無不佔住日索酒肉供應稍不滿意則毆詈隨之山城鎮各商由街西五里堡子託保正周玉堂將劉匪之二胞兄劉永貴請出懇其見劉匪要求莫令匪衆往佔該鎮永貴本一農人秋冬打獵因其有目疾人稱二紅眼旣請出衣以缸青甯綢開衩袍粉底青緞靴冠絨沿暖帽戴四品頂稱係山城子右翼翼長寶春賞給夫翼長乃佐領缺本職僅四品而竟能賞給四品頂戴識者笑之山城子各商人擁永貴至城時適劉匪往朝陽鎮會股匪王和達即王老道及回城至東大街永貴由路南商家出於路側劉見之急下馬行禮後曰你來作甚山城子商家將你請出可謂有手段言畢上馬行永

貫亦隨後進城先是劉入城之第三日下午在寓前散步忽向其黨及旁觀者曰山城子甚可惡聞竟將我契友周玉堂拘押甚可恨但此事過不在商民而在官府伊等不服余出一言該鎮壘粉矣然山城子寔無拘押周某事官商聞之懼乃設法託周請永貴以解之並求其關故里之情稍免攪擾亦不得已而爲之者劉果允之故其受害較他處爲輕惟無耻之徒見劉匪或委曲認爲親串或論故交或拜劉爲義父勸劉衣錦還鄉一視者有之勸劉回家祭掃者有之蓋欲假威以凌轢鄉里王老道旣與劉匪合遂佔據朝陽鎮爲老巢其匪分住各商店凡有所需皆責令供給王匪所住之門外則兩邊高豎五色大旗此五色旗乃舊日之萬民頌德旗非民國之五色旗也

次則三尖式之大紅旗緣以白邊外作鋸齒形大書僞官銜及其姓名門兩旁懸虎頭牌四旁立軍棍二守門卒十餘名咸荷槍持刀王匪及各頭目住居各商家每日無事皆令其經理人卽執事之商人相陪用飯吸煙先勒令出資或綢緞布疋代爲放餉嗣因無可出抵餉之財物則用匪刑拷逼勒出私藏遇放饒日如該商正陪飲酒或對臥吸煙其藍旗猶今之副官長也入室向該頭目曰今日應放餉請統領或管帶大人示該頭目遂向該商曰眞靡法今日又放饒太對不住立將該商引出勒令出欸否則卽加匪刑其匪刑有坐火車臥鷄子穿蹠子絨坎肩帶響串種種名目其曰坐火車者則將鐵掀燒紅扶人坐其上其曰臥鷄子者則將鉄杓滿注沸油扶令人將陰囊

蹲置其中其曰穿蹠子絨坎肩者則將槍探子或如黃豆麤之鐵條燒紅在上半身前後烙之成行其曰帶響串者則用炆一串卽成辮爆竹也或五六百或千餘繞頸項點放否則於竈中熱火去鍋置人其上烤之有被拷勒一次者或被拷勒數次者務盡出私藏乃已向商民搜槍亦輒用各匪刑逼索時輝南尙未設治朝陽東十餘里團林子屯多富室該匪等訪聞該屯各戶多有護院槍支突遣馬賊數十名掩至該屯將富紳茂才劉晴樸順則增生馬奎乙殿甲擄去向之逼要槍支該匪之爲首者向之問曰汝二人皆係秀才旣爲紳士應知王法何竟有槍不獻遂令其黨與二人軋槓子已將二人用布帶纏頭取槓將軋幸經人代爲緩頰應與購槍十支賊匪搶掠亦謂

不聽從者爲犯王法未知係何王之法可恨亦可笑也該匪衆住某處則先由某處供備飲食糧草日久不給則遣人四出搶掠海龍地多淤泥且乏牧場不宜於畜羊無論商民大小戶皆豢豕者一二口多者數十百口該匪等到處搜搶肥豬及秔米白面遇財物則搶財物既而肥豬盡則不論大小見豬卽搶卽產數旬之乳豬亦奪而食之每飯一棹四人往往用豬三四口未幾秔米盡則搶蕎麵黍麵乾餛遼東舊俗將度歲家家碾黍麵蒸爲團以小豆糜爲餡或合以紅沙糖窩瓜甘甜之物大如茶甌或用黍麵蒸爲糕圓數尺厚約三四寸底墊以小豆或上面攙以紅棗切片長三四寸厚四五分凍而儲藏食時重蒸用之度歲及年前後之暈食品此外必備豆腐粉條白

菜海菜之類豆腐則大戶自製小戶市之多少視度歲人數爲轉移均凍儲之杭米白麵豬肉尤爲度歲必需之品豬肉則飼有肥豬者白屠或一口或二口數口不等視家之貧富奢儉人數之多寡爲衡本處習慣雖貧家小戶亦必養豬一口春日購一二十觔之小豬以一年之泔水米湯飼之至冬謂養已肥卽小亦重八九十觔歲杪屠之度歲經該匪等之搜搶不但肥豬盡而儲備度歲之食物亦爲之空土俗除夕夜分迎神後咸食水餃名元寶湯以其象形取吉利也此餃率用白麵以豬牛肉爲餡或數日前製或除夕上燈時製皆置外凍之臨時煑食該匪等知此俗遂於迎神前遣人四出見迎神則掩入院中搜索凍餃盡數置囊橐中馱之而去有已入鍋煑者該匪

等竟不容主人食俟熟後除其飽食外均置外凍堅囊括以去大戶多有儲藏匪去後尙可另製而小戶年前所備食物已被攫去間或設法另備又被搶去無論物力有限而現備已不能及祇得枵腹歎晦氣而已有終歲勤動老幼八九口度歲不得一肉者匪患至此極矣旣度歲辛丑正月王匪在朝陽鎮中街財神廟前演戲該匪每日高坐東面蓆棚茶樓上前兩邊分插五色三尖式紅旗護從兵數十該匪年三十餘碩身長面三品頂花翎青褂灰袍指揮談笑極現得意態度觀戲劇之男女雖多而良家子女無幾該匪來去則以騎者各執旗前驅然每歸去則執旗人恒不足徧呼不知去向以致其旗不能全執該匪輒大罵其威令之不行可知雖無識者望而知爲賊

也旋劉匪回山城子西五里堡子展墓因沿途皆駐有該匪之部下
一路送者迎者不絕有送助祭豬祭羊者均槓牽候於路旁而迎劉
者又皆備有鼓樂宛若路祭滑稽者謂其爲生祭旣抵山鎮官紳商
農迎者愈衆其猶子卽永貴子年二十餘以貧故無與爲婚者至是
某富室遂以女妻之親迎日炫赫異常劉旋回城已屆春分節毫無
去志且該匪等見騾馬則奪之不曰搶而曰借或以羸瘠不堪使用
者強換肥壯者而本境耕田挽車又以騾馬爲必需品農忙時用以
力田暇時用以服賈所得運資抵一歲飼畜之費如屆東作之期凡
有騾馬者畏懼搶掠咸匿藏遠處本境田多磽薄非多施肥則收穫
不佳往地送糞非大車不可騾馬旣不敢露頭以不能運糞於田遼

東禾稼歲僅一熟春種秋收儻遲旬月東作旣誤卽難望有秋本處商民夙無儲糧人民何以生活田賦亦難望徵收各項公費兵餉均無所出不得已官紳乃向劉極力婉商謂不得耕種將赤地千里非僅人民乏食卽忠義軍之糧秣亦無從出且總統爲本籍人亦宜留名譽劉聞官紳之言亦以爲是遂諾之始向其黨嚴禁借換騾馬因劉來時自稱忠義軍總統旗纛大書欽加二品銜賞戴花翎總統吉林忠義馬步全軍未知誰加之誰賞之商民有與劉送匾額時某紳尙白衣爲之書曰民無能名有責以頌揚太過者笑曰以劉之行爲謂之賊則表面上禁止搶掠遇小醜且捕誅之謂之官則所行皆賊姑借用此四字以相譏嘲豈頌揚也耶衆咸粲然旣下令不准忠義

軍兵弁向民間借換騾馬違者處以軍法有強搶者以賊盜論復經官紳向各社勸告人民方敢稍稍將出騾馬運糞耕地然見有健壯者仍設法託人買之婉轉其詞曰勻勻者土語以情讓與之謂不允恐結怨既忍與之違計價耶故耕者仍不敢盡全力適俄軍聞匪已佔據海龍通化兩縣衆逾數十萬勢甚猖獗恐襲其後遂以其將軍高某統大軍來勦劉始率衆倉皇南竄入山俄軍躡至入谷中伏死亡甚多再戰劉知力不能敵晝不敢出祇於雲陰月黑之夜刼營俄軍地勢既不熟劉又不與力戰惟用善槍者近敵營伏暗中狙擊別以他卒鳴槍誘之俄軍出則狙擊之或伏匿不動俟其懈出其不意擊之及俄軍知其伏處整列相向自料力不敵則蛇行引退是役也

俄軍受創甚鉅以故俄軍不畏中國之官兵而畏中國之賊匪劉南竄人民方得安心耕作俄軍擊匪既不利撤回至本城駐十餘日卽往鐵嶺匪探知俄軍去亦漸回擾李疴吧者忠義軍之僞統帶最兇狠於三月二十八日突入山城子擊死旗兵四名並將哨官車某擄去各大商號均被搶掠一空回通化界盤踞依總管屢與劉去信詰問要求將車哨官放回自行治罪不理四月初九日忠義軍之僞統帶欒東昌馬與仁帶馬匪二百餘名至城聲稱與總管及李疴吧構和意在窺伺並陰謀得手卽將總管擄去以便脅取大宗軍裝金錢並可要求奉天將軍收撫總管不知其謀優以客禮二人旣入總管府其從在門外瞻視非常談笑口吻陰謀漸洩餘匪分往各商家覓

食總管部下材官額勒琿旗兵哨官李永興新收潰軍哨官唐敬師收撫十四閭王僞營官劉寶書其總理張秀奎諸人密議先發誅之以變馬二人與總管跬步不離儻稟明總管事必洩露且萬一不允奈何適總管留二人飲並邀本城開設商號之老茂才孫仙洲名瀛及寶劉書相陪因共設誓議定於筵間刺之成則免害脫不協亦減輕總管與群匪結讎額勒琿以材官侍宴進肴在室酒半酣唐敬師李永興入室總管詢有何事二人對曰久聞變馬二統領英雄邁衆特乘便瞻仰藉以識荆以備牠日遇事藉助也總管聞之喜急與介紹某爲某官並代兩邊譽揚多語遂邀唐李入座二人辭以長官在不敢飲皆言願敬客杯酒因執學注酒鞠躬以獻變馬不知其計亟

亟鞠躬雙手接杯唐李就勢持其手劉寶書立出利匕首於靴中
順勢左右分刺變馬中要害總管果怒叱三人欲何爲將反耶三人
不遑詳答祇云反卽反額勒琿與其子材官承慶遂將二匪捆縛方
向總管陳明二匪陰謀來意總管方悟大怒命將二匪引出誅之急
令閉城防餘匪闖入竄奪並免城中之匪逸出一面出兵往東關剿
捕餘匪孫瀛年已七十餘極忠厚見筵間殺人驚急奔入廐中鑽伏
草堆之下惟二足著粉底緞靴露外蓋驚慌失措中不暇顧也時府
中搜殺從匪見草堆之下匿一人以爲賊也將牽出誅之及首露見
白鬚白髮疑不類賊詢其何人已瑟縮抖顫不能言詢之府中材官
方知爲孫急延入室覺惡臭氣查之已便溺盈襠矣府中搜殺者多

外入之兵咸不相識脫非白鬚髮殆矣時闔城槍聲震響張秀奎手執槍帶二十餘人由西關天增當越城牆入助同勦賊東門裏中和當駐二十餘匪兵往捕遂挺而走險開槍支抵一周姓官兵已附身貼該商號東角門將攻扼賊知之由院內隔門槍擊彈透門板立擊該官兵死

劉單子圍攻海龍

辛丑（光緒二十七年）四月初九日忠義軍之僞統帶欒東昌馬與仁二人奉劉單子之命突入海龍意在綁擄依總管事被偵知先發制人依宴欒馬於署內席間擒而誅之餘匪亦被株連間有一二潰逃者回報劉單子彼時屯衆於通柳金一帶搶掠殺燒甚於盜匪海

龍人民畏之如虎官紳敬之若神劉聞報大發雷霆誓與樂馬復仇部勒有衆兵伐海龍揮衆北上以城南霍家燒鍋爲大本營賊衆不下五萬餘人陸續蟻聚於海龍斯時城內僅有旗兵四百人加以民署捕盜營兵共五百人其新編之游擊隊均被調遣在外祇有劉寶書一隊住於西關天增當依總管探聞劉單子大舉攻城調派各軍登城防守不以兵單力薄而挫其志處之春然指揮作戰一若胸有成竹四月二十三日午後一鐘許突有馬賊一隊紅旗前導由城東奶子山直登山頂射擊城內當時城門皆閉東門炮台置有重鐵炮一門爲旗兵把守見賊兵開槍立時用炮還擊一彈甫發正中賊隊之執紅旗者射必主皮神乎其技雙方互擊半日賊死傷甚夥劉益

憤揮五萬餘衆將縣城四面包圍當晚賊衆舉火示威同時東關大街南關大街及北關外商民各戶之房間盡付一炬賊匪放火殺人是其慣技然莫甚於焚燒海龍已劇且慘也商民損失難以數計惟西關未被焚毀因天增當住有游擊隊一隊未能侵入管帶劉寶書率領部曲遙爲控制與城互爲特角賊之兇鋒卒未得逞劉示衆曰頭可斷而心不可迴今茲之戰有進無退賊至城下與城上之兵互相謾罵幸城內彈藥尙足未被所搖聞依總管事前已將彈藥儲於總管衙門之火藥庫內（卽今地方法院）修有地窖二間爲儲藏室人不知也及作戰源源而來士氣大壯而一般袍澤已知匪取包圍形勢水洩罔通均具有敢死之決心猶如背水列陣以冀借一相持

半日無何變動至翌日黎明有游擊隊管帶馮佩君（綽號馮老亮）帶隊二百餘衆由縣北四區二道崗奉依總管加急軍令連夜率隊回援行至城北牛心頂子與賊匪遇佯投誠暗得賊方口令長趨直入至縣城北山竟屨入大股賊匪中賊誤爲若輩增援者故相信不疑當時馮用迅雷不及掩耳之急智反戈相向賊無措紛紛倒退互相踐踏羣以爲飛將軍至矣益潰亂賊本烏合之衆旣無紀律又無統制各自逃竄互相踐踏彼此不顧牽動全體一經敗北如鳥獸散匪往西竄被斃者千餘名馮管帶率隊猛擊追至葉家壩口（距城十餘里）嗣以衆寡懸殊未敢輕進收隊回城而城西賊匪見有軍隊入城以爲有機可乘相率混入者三十四名馮進城校閱隊伍按

名查驗而喬裝之匪全盤托出盡誅於關帝廟前馮令隊稍息再吃早飯不意匪已偵知開來官兵不過二百餘人極爲焦悔而捲土重來之殘匪又將縣城北山照舊圍攻而馮二次帶隊出城應戰究竟賊不耐戰畧戰即去馮極力跟踪於後斯時日將停午忽有俄兵五千餘名由伊通州開到已集合於縣城北山九龍口之山巔城內聞信依總管孫通判率衆往迎而俄兵正用望遠鏡西望見逃賊欲調炮擊之適依孫兩長官已與俄兵隊官高提督晤面告明逃賊已遣官兵追擊請勿發炮以免兩傷俄官首肯整隊入城馮帶兵至城西五奎頂子始收隊回城劉等聞俄兵突至均逃向通柳一帶盤踞矣海龍之圍由此始解是役也賊匪傷亡五千餘衆官兵僅陣亡七名

負傷九名確爲依總管調度有方官兵勇敢善戰有以致之也孤城困守賊匪多於官兵十倍卒能捍國衛民威震上下指爲神助信而有徵當賊匪未攻城以前縣城西北隅有胡仙堂一捨葯治病頗著靈驗曾有乞乩者問賊勢如何乩大書云決對無妨商民不必逃避如果遷移必受損失云云繼聞賊至城廂商民逃避一空尤以逃往城北者爲最多道爲之塞沿途均被賊匪劫搶而俄兵早欲至海擊賊以洩宿憤詎隊至城北康大營地方即與城廂逃難者相遇問城內匪勢若何而商民不諳俄語譯曰（布拉加槓木撓溝也兮）蓋言匪之多也俄以兵少止不前進復由伊通調集大隊始來海當賊匪圍攻時城內民戶未及逃避者僅李姓關姓額姓三戶飽受虛驚然

絲毫未受損失一動不如一靜回憶乩言竟成讖語城圍解除獲得
殘匪詳訊之據云二十四日夜本擬一舉而下遙望城垣上紅燈無
數人馬往來以萬千計故未輕進黎明見有穿黃軍衣之官兵馬隊
約二千衆由城北山九龍口進攻知不抵全體瓦解卽馮管帶應援
之隊事出賊口應無附會咸謂大仙顯聖是耶非耶神秘之事往往
爲理之所無而爲事之確有者見諸典籍指不勝屈大仙顯聖吾聞
其事未見其人事平之後官民爲之募款重修廟宇以答神庥至今
廟貌巍然香火繁盛仙之與人感而遂通

因言日俄戰事記畧

清光緒二十八年日俄戰事起劃我遼河以東爲戰場日鑑於俄經

營旅大別具野心乃本唇亾齒寒大義起而與抗茲畧述梗概俾海龍後起稍知巔末當戰事之初起也始則金復海蓋繼則遼瀋鐵開我海龍猶但聞其事未見其人蹂躪尙未受也翌年春俄人敗退海龍境日軍追至英額門海龍西部遂爲戰場戰地居民或受俄人之淫污或受敗軍之擄掠種種慘狀筆難盡宣而海龍東部雖未遭此浩劫俄人充斥亦難免不法之行爲察是役自二十九年三月起至十月俄人退出我海龍人民所損失之財物約值億萬元而俄人掘戰壕築炮壘所荒蕪之土地不下數百畝今則戰壕之舊跡猶存炮壘之遺址尙在令人睹之不勝今昔之感

民國後之兵事

土匪之亂

海龍南近龍崗東臨濛江素爲土匪出沒之鄉綁票架人層見迭出遠者弗論矣近者如民國十一年匪首仁義軍等以攻破山城鎮十三年壓五營等之攻破朝陽鎮皆勒捐於商會綁掠於民戶號招匪徒動以千百計非調集各路之警甲不能驅逐然此大股之匪事前尙可防範而小股每於夜靜更深乘隙而侵入人家旣綁其票復傷其人鄉村姑弗贅如民國十六年秋縣治東關劉姓高姓者夜三鼓許匪人闖入槍斃事主復綁去人票朝陽鎮街上白晝之間綁去人票三名可謂胆大如斗矣今歲尙稱安寧萑苻潢池銷聲斂迹賣刀買牛之風復見於今日歟

右爲民國十七年前之事九一八變起東邊各縣盜匪如麻如刀
匪槍匪馬賊紅軍嘯傲於煙霞之窟馳驅於山谷之陬民有糧奪
而食之民有衣剝而著之民有屋或侵而居之或去而焚之民有
財或飽載以去民有物或搜括而逃至今民無噍類戶鮮蓋藏窮
鄉僻壤曠無人居羊腸鳥道迄無人行故政府有大而集團部落
小而集家計畫之規定東邊十六縣又有三年復興工作一年肅
正工作復頒布保甲法寔行軌里連鄉制度收繳民槍以減少匪
人之接濟民心作興俾明瞭國家之恩惠海龍自上項工作實施
後治安遂漸恢復政治益形朗化本年保甲強化清查戶口整理
村制寔較他縣爲優其他各種工作已於各目內刊載茲不細贅

仁義軍攻破山城鎮

民國十一年春由金輝界內竄來股匪二百餘名號稱仁義軍匪首宋姓名不詳初在海龍南河窪鴨綠河一帶肆行竄擾爲害甚烈當經海龍警察隊及東豐警察游擊隊並駐防軍隊互相勦討全部潰散迨屆冬令死灰復燃先在東豐界影壁山一帶又哨聚匪徒三百餘衆仍稱仁義軍由以先匪首宋姓率領於十一月十一日晚四鐘自山城鎮西南兩面攻入鎮之西街是時警察四十名警察馬一隊八十名全鎮兵力不過一百二十人當由警察及警察馬隊設卡堵守不令東犯終因衆寡不敵兵已疲敝乃於半夜一鐘實行退却股匪隨後狂追愈逼愈緊而退却之警隊退扼中街各入商號院內佔

據炮台少得地利復舉槍射擊匪不支漸向西街退去僅將西街之大商號慶源當振興厚兩家縱火焚燬並擊斃慶源當陳財東是時西街火光燭天烽煙匝地匪盤踞不去而東街匪踪未到尙各安全不過飽受虛驚而已先是縣宰湯公文煥連接警報慮縣城無兵可派不得已電商吉林磐石縣駐防軍隊懇爲救應當蒙許可立派楊營長帶同炮兵一連騎兵二連兼程併進行一晝夜於十二日午後到達山城鎮東方指揮炮兵轟擊鎮街西頭之匪該匪突聞炮聲知來應援遂卽全部潰逃向西而竄而吉林軍隊追至鎮西草市始收兵回鎮是役計斃賊匪三十餘名傷無算其餘殘衆竄至北方後經駐防西豐之軍隊張旅長全部招撫詎該匪等野心未戢於翌年三

月重行譁變當被張旅長討伐始盡匪首被誅而仁義軍之股匪始全數消滅矣

東邊鎮守使行署

民國十七年十二月五日因東邊鎮守使原駐之安東縣於東北各縣有鞭長莫及之虞遂設行署於本縣之山城鎮暫駐街中舊有兵營內十八年九月請准就所駐之舊兵營及舊翼長衙門後半院建修東邊鎮守使行署後于公芷山陞任全省司令官駐節省垣現該行署歸第一軍管區第六旅董旅長國華旅部辦公處又該行署曾於該鎮車站南部建築兵營一所共房二百餘間所需建築及工料各費由縣城朝陽山城三鎮商會分担茲錄該行署官佐及各隊職

名並駐在地點如下

階級		姓名	名次	章年	歲	籍貫	出身
鎮守使	于芷山	蘭坡	年四十八歲	奉天台安縣	行伍		
上校參謀長	傅布彥	甫	年三十六歲	察哈爾萬泉縣	軍官學校畢業		
少校參謀	李玉清	澄寰	年二十五歲	奉天本溪縣	軍官深造班畢業		
上尉參謀	王百鈞	秉衡	年三十一歲	奉天遼陽縣	東三省陸軍測量學校畢業		
中校副官長	呂衡	鍾璞	年三十歲	奉天台安縣	東北陸軍講武堂第六期畢業		
少校副官	徐廣祥	子清	年三十八歲	奉天新民縣	警官傳習所畢業		
上尉副官	趙芬臣	防塵	年三十四歲	奉天營口縣	軍官團畢業		
上尉副官	任承瑞	輯五	年三十四歲	奉天台安縣	中學畢業		
三等軍法正	王冠英	傑三	年三十七歲	奉天梨樹縣	北京中國大學專門法律科畢業		
二等軍法	趙沛霖	尙清	年二十一歲	奉天鳳城縣	法政研究所畢業		
三等軍需正	周秉衡	維藩	年三十四歲	奉天義縣	中學畢業		
二等軍需	劉玉春	序東	年二十二歲	奉天錦縣	錦縣初級中學畢業		

海龍縣志 卷十七 兵事

三等軍醫正 符志堅 東關 年三十歲 奉天台安縣 奉天滿洲醫科大學畢業

二等軍醫 田文海 百川 年二十五歲 熱河阜新縣 遼陽英立施醫院畢業

少校書記官 孫維珍 荷麻 年三十三歲 奉天營口縣 北京法政專門學校畢業

上尉日文翻譯 馮繼光 漢伯 年三十二歲 奉天海龍縣 日本明治大學畢業

附

該署所屬各部隊及主官姓名駐在地點列下

- 1. 奉天陸軍步兵第一團團長姜全我駐鳳城縣
- 2. 奉天陸軍步兵第二團團長廖弼宸駐通化縣
- 3. 奉天陸軍步兵第三團團長田德勝駐朝陽鎮
- 4. 奉天陸軍騎兵第一團團長王翰臣駐東豐縣
- 5. 東邊鎮守使衛隊營營長袁文彩駐山城鎮

記

建國以來之兵事

資遣潰兵

本縣前任縣長趙公駿第接任甫四日即值九一八事變縣事既未

全般明瞭潰兵又無端壓境蓋以公款奇絀仰屋興嗟公安然渡過
民皆仰之先是民國二十年九月十八日瀋陽事變突起消息傳播
到縣人心極度恐慌至二十二日王以哲部下潰兵及講武堂學生
共八百餘名乘車至海意欲入城公以無紀律無教養之多數潰兵
如冒然入城城防必爲大軍踏破當派王警務局長立廷馬商務會
長長純携各種麵食品馳赴車站以勞其軍并與軍官婉商不使一
兵入城初有難色嗣公將軍官喚至署內最以大義喻以邊情該軍
官要求換用便衣給資回籍并將武裝繳縣作爲條件趙公商准予
鎮守使每兵給洋十元各換便衣一套當場按名點放并繳大槍五
百餘支均經于鎮守使派員將械彈武裝運回山城鎮司令部查收

該款由商會暫墊後由縣款付還該軍得衣與款於縣隊嚴重監視
下均分途出境去訖此次費款萬餘元備衣八百套卒將多數潰兵
送出境外且匕鬯不驚銷患無形若非趙公運籌得法其不糜亂者
幾希

友軍緩來

當九一八事變以後海龍遠介邊陲于公芷山開府疆圻聲威素著
且身繁安危出處胥關大局是時省內友軍派遣軍隊欲作綏靖邊
防之舉詎友軍行旆營盤民心極爲震蕩縣長趙公開報急商于鎮
守使擬移營暫避以免發出誤會公力持不可乃轉商海龍領事松
浦君允派岡書記官偕王警務局長齎函搭乘壓車赴營盤詣友軍

軍官說明東邊所處地位及所持態度稍緩須臾決聽命省方并由領事擔當全責友軍甚滿意已允暫緩東來後于鎮守使派參謀長傅布彥王保安會長蔭棠赴省接洽東邊各事詎事前失於聯絡臨時無所表示乃爲友軍所偵知遂將傅王霸於憲兵隊嗣經于鎮守使委託趙縣長晉省斡旋始將傅參謀長保出王仍作質未幾縣長奔走省縣互相諒解由縣長導于赴省表明態度始與省方互通聲氣疑團始破而建國諸役于率東邊各縣首先參加雖于公身先各省擁護中央然亦賴松浦領事與縣長趙公預弭戰禍措置有方有以致之也化干戈爲日月釋兵柄於樽俎兩公有焉

刀匪之亂

守城始末記

海龍縣城

滿洲建國始於大同元年三月九日嗣改建國紀念日爲三月一日
海龍是日上午九時於省令監督指揮下由縣長趙公駿第召集全
縣民衆約千餘人當場將建國大綱敬謹宣布洎四月中旬聞駐屯
通化縣唐團長聚五李營長春潤（駐興京）有整軍抗命之舉事爲
于司令官芷山（當時駐節山城鎮現任陸軍部大臣）所偵知疊
電詰責迄無一應復遣員往說餉以閉門羹于公知事不可挽爰整
部曲欲興問罪之師詎唐先發制人一方陳師境上通電反抗中央
（卽滿洲國新京）一方訓練民軍（卽大刀會）意在擁師北上斯時

風鶴頻警空氣緊張趙公爲保境安民計密聚地方紳耆及各界首領召開緊急會議決定從違態度幸全場官民一致主張首以服從國命保衛地方爲職責敢有犯境擾民者誓竭全力以掃除之用是督飭警務局長王公立廷編練警團配備防所又將警察騎一騎二兩中隊砲兵一中隊（迫擊砲四挺）調駐朝陽與縣城兩地山城鎮爲于公駐節地故未派駐及六月田旅長德勝帶兵馳往金川剿討會匪行抵縣境迤南見滿地農民耘田初未介意迨相距稍近而會匪易鋤爲刀喊奔兵側兵未及防驟將全營武裝解除其繼至之兵以匪衆勢張且擁有新繳械彈度難與敵乃援隊回縣匪復乘勝躡追沿途迫使鄉民少壯者授械以從田旅長與金川縣魏縣長運衡

退守縣城以待應援嗣鑑交通遮斷勢難久守不得已棄金川而就
輝南斯時輝匪亦揭竿起捲入漩渦後移兵於朝陽鎮登城守埤誓
死與抗未幾海龍南部亦發生刀匪王警務局長派大隊長魏凌歐
帶隊往勦甫抵縣南雙頂村聞刀匪擁衆狂奔勢如破竹魏登山瞭
望匪正圍攻左家街乃不戰而退魏至城羣情駭惶罔知所措幸駐
屯山城鎮日本守備隊於保大隊長派上田中隊長帶兵赴朝陽鎮
駐防荒田小隊長亦帶兵同至海龍車站駐防車行至奶子山前適
刀匪揮戈北上乃開砲向南轟擊匪知有備率衆南逃即以霍家燒
鍋爲大本營在此一月期間兵匪時出交綏勢成對峙匪已不敢北
犯趙公以餉彈俱匱急赴省乞援詎早車赴站各界恭送因王警務

局長馬商務會長上車話別未及降車已開而城內三巨頭於怒潮狂湧中同時去海車甫過西沙河（距縣十五滿里）刀匪繼至破毀鐵軌切斷電綫並縱火焚燬車站電報室黑烟上冲雲漢縣方得報立派縣城警團馳往撲滅匪已棄站南遁是日山海電線不通傍晚警務局袁督察長報告縣西李家船口唐家船口等處渡過刀匪二千餘人盛傳將攻海龍當由代行縣篆王總務科長春鵬與周會計科長之瑞召集魏大隊長討論守城計畫旋將警團分配各要隘荷槍實彈伺其來襲而迎擊之並將縣署各職員配給武裝分班查勤相約竟夕不眠以防襲入夜半寒籟哀鳴胡笳齊奏如聞赴敵之兵匪聲東擊西乃假途以伐虢拂曉已竄東豐乘虛掩入與守城軍警

戰於巷白及相搏力不支卒被擊退是役匪受創極鉅相率逃入黃泥河子從此干戈滿地烽火彌天各鄉携老抱幼紛向市鎮避難者城內外幾無下榻地各鄉匪警如雪片飛來負治安責者幾窮應付有時於城郭附近施行游擊戰爭晝出夜歸用衛城社茲將經過情況分述如下

一、傅團長移駐縣城 傅團長布彥奉于司令官令率騎兵四大

連約四百人初在梅河鎮駐防繼因王警務局長往復磋商擬邀該團全部移駐縣城傅有允意惟須請准司令官始克成行繼由王總務科長偕地方各團體首領赴山城鎮面謁于司令官懇將傅團撥住縣城俾與兩鎮呼應于慨然允諾復承增派韓營長捷三約步兵

一百五十人由柳河開往縣城傅亦源源而來先是于司令官率衛兵蒞海住二日鑑於縣城非用武地仍折回山城鎮瀕行各界要求派兵填防于諾之今派重兵住屯城內即此意也

二、傅團長韓營長督率民工挖掘戰壕 查海龍南濱柳河北拊山岡中有瀋海路線掠城而過居高臨下四面受敵王警務局長已注意及此曾商諸王科長召集地方有力者研究挖壕築壘俾固城防因多數反對事乃擱淺一日傅團長授意開會當場宣布守城與修壕各辦法地方懾於權勢一致贊同翌日開始工作士紳輪流監工傅以次各官長按段視察該壕周圍約三十方里僅修至三分之一匪如狂潮捲至勢甚澎湃自此入交戰期矣

三、趙縣長公畢回縣 縣長趙公於八月中旬赴省辦公未竣忽聞東邊匪患日急倉卒回縣因匪衆兵單卽將各村自衛團徵調來縣厚集兵力是時各區村均被刀匪佔踞聲勢浩大縣長知事不可爲人不可恃又將大隊長魏凌歐調充縣署稽查員遺缺選委步二中隊長姜佐周卽日接充并將城內軍警民團配置如左

1. 陸軍騎兵四連置於正東及東北方面以傅團長監督指揮之

2. 警察隊各隊置於北山方面以姜大隊長擔任指揮

3. 各村調集之團兵置於西北及正西方面以團總智興讓擔任

指揮

4. 韓營步兵及二區團丁置於西南及正南方面以韓營長擔任

指揮

右配置防務均經傅團韓營許可以縣令行之

四、王玉璽背叛潛逃 王玉璽爲本縣人久蒞戍行以善戰稱向充海龍警察分中各隊隊長大同元年王充警察步三中隊隊長住防七區楊樹河子此次奉調來城配置防務於北山一帶八月二十一日瀋海吉海兩路因匪亂停車二十二日夜人喧狗吠終夕不寧城內居民一夕數驚黎明據姜大隊長報稱是夕王中隊長乘兵匪交加之際竟率全隊一百零八名携全副武裝大小槍一百二十餘枝向西南潛逃經縣農會會長周文芳派員勸其回戈堅持否認先是王中隊長個人積欠兵餉三千六百餘元屢示意於王警務局長

謂地方用人須代吾儕償債否則疇能賣命王局長轉商縣長並商會馬會長僉以力未盡而先索欸實難應允不得已許以暫借接濟事平後再代清償王玉璽聞之不以為然是日正值放餉縣長又犒賞肉麵該中隊飽食而去於意云何是日城防頓現緊張氣象幸縣長鎮撫得法未釀變端寔不幸中之大幸也

五、第一次與匪交綏 會匪分刀牌槍牌兩種接觸時刀匪在前槍牌在後大聲喊叫狀類瘋狂嗣槍刀兩匪互爭前後發生齟齬是月(八月)二十八日夜十一時匪率羣衆於東北西南兩方揮軍猛進喊殺震天我方槍砲齊發勢如爆竹奈匪多胆壯抵死不退旋將東北第七第八兩炮壘佔踞遍插匪旗王警務局長密報縣長陣容

幾陷崩潰該路守兵爲陸軍王連長之隊縣座急以電話通知傅團長傅親率衛兵並督勵原隊冒死衝鋒相約城內以砲掩護未幾果奪回失壘人心稍安翌日（二十九日）上午十一時戰始停是役匪方死傷約二百餘人我方官兵皆無恙

六、第二次之戰 匪以第一次之戰初議爲回面包圍及戰僅兩面嚮應餘則按兵不動認爲無誠意匪首聚議擬傾竭全力作最後犧牲不城破血流不止城破許匪衆自由三月三十日晚十一時匪吹攻擊號四路槍聲齊發而刀匪袒胸露臂持刀狂喊如風雨捲地而來雙方砲火繁密爲空前所未有而車站荒田隊長以寥寥念餘人而敵五六千名之匪卒將羣醜擊退不敢窺伺該隊長膽壯識深

不可奪志猶憶在戰爭劇烈時縣座疊欲派隊增援而荒田婉言謝絕請其來城共守亦一笑置之是役友軍戰歿由沙河歸來上等兵二名傍午東北英國施醫院後戰線被匪衝破紛向城內進攻當此千鈞一髮瞬息萬變縣座急遣王警務局長偕衛隊隊長滿文山親率生力軍五十人重整旗鼓馳往應援匪因久戰疲勞不堪應戰未片刻仍退還原地同時城內以炮相助所發各彈皆命中第七砲壘斃匪數人餘皆棄甲曳兵而逃復爲我軍斬獲無算

七 松浦領事搭乘飛機赴省乞援 車站迤北築一飛機塲是日

(三十一日)飛機上翔天空更於萬衆歡欣鼓舞中斂機著陸其來係代友軍運送給養其去又代友軍載運傷兵駐海日本松浦領事

鑒於城內彈盡餉絕萬難久持冒險乘機赴省辦理餉彈並報告匪况各事未幾飛機載運子彈三萬發帶洋二萬四千元飛至車站欲降陸而匪持槍仰射益以雨水泥濘未敢降繼續至城外領事館擲幣於院復飛至車站擲彈於地既凌空西去箱已碎而彈未毀嗣山城鎮司令部運送彈葯均以此法行之

八、子彈缺乏臨時補充 查子彈爲軍人之胆有此器宇豪邁不可一世無此血氣沮喪退避三舍海龍自八月三十一日與匪交戰因耗彈過多來源告絕縣當局極度焦灼王總務科長主張先向商店搜羅次自民戶（外來避難者多帶槍彈自衛）購買衆皆可當囑商會代購二萬餘粒繼向民戶買入五萬粒每日由周科長點驗發

放狀至勞瘁其在外担任搜羅者爲教育局長王俊英女師中校長時萬選士紳王輯五諸子沿門托鉢罄其所有城中當第二次大戰後彈藥忽告缺乏街談巷議盡人皆知未出一晝夜而子彈忽購入三萬餘粒軍容爲之一肅設此事爲匪所知勢必捲土重來一決勝負如是則城危矣以後買收子彈均爲守城士兵之物夫士兵以縣發子彈仍售之縣方明知乘機牟利只好一任所爲否則拒而不收難免流入匪手益增其勢

九、韓營長配置兵力得法 查韓營長所屬之自衛團均爲二六兩區調來者而會匪方面多爲二六兩區人民其制敵也父立陣頭而子臨陣角兄爲匪而弟當兵投鼠忌器理所當然况骨肉與手足

乎韓憂之思得一法其法以三人爲一組左爲軍人右爲民團依次排列秩序井然每次開仗須視士兵爲轉移不敢顧念鄉誼此法行之既久頗收相當效果並於壕外安設內暗外明撮燈每十五米一撮以防匪人暗襲復恐士兵夜深思睡轉爲匪人所乘乃令守兵喊「注意」二字甲呼乙應終宵不止而軍官不時至壕查勤無稍間斷十城內食糧告匱派兵保護刈禾查城內食糧漸感缺乏人心不安是時禾稼已熟農民悚於匪患弗敢收割縣方組織臨時刈禾隊以防匪在暗處襲擊每日派姜大隊長滿隊長帶兵四出刈禾以充食料兵匪遇而鬪殺所演慘劇非止一次憶某次刈禾滿隊長險被抱掠亦云幸矣

十一、縣長犒賞士兵軍心益形團結 每次戰息縣長必親臨現地訓勉有加且不吝犒賞以慰其勞匪因疊戰失利銜恨已深宣言城破後凡年在十五齡以上者均殺無赦非屠卽洗齒髮岡存消息傳播人咸自危一時城內官民萬衆一心當局利此良機益激勵軍心團結民力執挺而撻圍城之寇故能一敵十十當百匪未得逞其在是乎

十二、匪燒房拆路交通隔絕 匪首王鳳閣爲通化縣人僞稱第三路總指揮陽揭安民布告陰縱夥匪搶掠其至一村凡建築稍整房舍先住後燒餘如鐵道枕木鉄軌電綫電桿均被先後切斷交通電信隔絕至兩個月匪踞縣城附近民房晝炊夜宿習以爲常一日

忽飛來爆炸機一葉因利用荒田隊長所示旗語及飛機符號於小灣龍溝河南左家街一帶擲彈數枚炸斃人畜不少直至十月下旬交通始恢復原狀事後路局調查損害程度佔極多數字
十三、戰爭達二十餘次 查匪於八月二十五日開始圍城前後歷五十餘日大小戰爭二十餘次傷斃刀匪二百餘人其詳細戰况及傷亡人數警務局另有記載閱者注意

十四、作戰時戰鬥員之勇敢與非戰鬥員之奮勉 查作戰時司指揮責任者爲王警務局長司一方面督戰責任者在東爲傅團長在西爲荒田隊長在南爲韓營長在北爲姜大隊長凡負指揮責任者皆露宿壕塹典士卒共甘苦北風淒涼砭人肌骨寒到君邊兵棲

塞上想見士兵征戍之苦也其在縣內追隨縣長而司機要任務者
爲總務科長王春鵬司會計及戰時支應任務者爲會計科長周之
瑞司外交兼翻譯任務者爲史秘書久騷其餘各機關在縣內常州
辦事爲商務會長馬長純財務局長張述教育局長王俊英餘如縣
署職員曾殿策孫潤賢警務局職員袁鴻慶白紹宗王顯聲何國藩
諸子均爲戰時出力者

十五、山城鎮司令部利用飛機輸送子彈守備隊利用鳩班傳達
戰況 查山城鎮距縣百一十里滿里情報不通歷一月餘矣縣長深
慮彈盡援絕城陷身亡已徵得傅團長同意密遣間諜將牒文裝置
秫楷內持赴山城鎮懇于司令官速撥彈藥以利戍機幸間諜扮作

農民沿途未被搜獲亦險矣哉嗣蒙飛機運送子彈八萬餘粒均於空中擲下幸未損毀同時山城鎮守備隊用鳩班傳達情報該鳩由飛機帶縣落領事館院內情報由此通焉

十六、荒田隊長揭「城危乞援」四字飛機攝照 匪困城池爲日既久而糧秣輜重早絕來源忽飛機由西翔來不能著陸荒田隊長書「城危乞援」四字揭示竿頭飛機持匣拍照翔西而去未數日於保大隊長押送彈藥來海兵民額首稱慶

十七、匪用火牛攻城木砲示威 一日市面盛傳匪將仿燕田單十萬火牛辦法將牛角纏刀牛尾繫炮車上裝置乾草趨車至河干縱火施鞭迫使火牛衝我陣線因實施無效已作罷論嗣又製造木

砲僞言新到戰炮並發炮示威其實只發一二嚮該砲卽不能再用矣是日薄暮東門外北橫街海記商號不戒於火致兆焚如一時火光冲天人聲嘈雜友軍疑匪入城開砲向城內發射幸縣長詢明眞象急令史秘書用電話向荒田隊長說明失火情形砲始停然發彈二枚擊斃老嫗一幼女一騾馬各一幸未擴大範圍寔堪慶慰

十八 製備棉衣以庇寒 秋夜士兵櫛風沐雨不堪其苦荷戈僵

立呆如木雞縣爲急緩計令商會四關村先向民間徵集棉衣二千襲嗣徵訖一千餘套發交民團著用軍警尙有舊軍衣著以耐寒時屆九月霜雪在途雖有衣以禦寒奈無地而避冷各界聚議暫借棚鋪蓆杆搭成框舍以備夜深輪流宿泊計週圍築卡房二百餘處自

此士兵噉棲以此爲安樂鄉夜間守壕有按胡琴或吹笙笛而臨風一歌者亦百戰中一段趣聞也

十九、困城時物價之奇昂 前後困城達五十餘日而城內日用價品大漲特漲雖經縣署下令嚴禁乃求過於供疊禁罔效即如燐寸一金如羽鹿牌者平日售洋二角此時漲至八角至一元麵粉平日每斤售洋兩角此時漲至六角至八角不旋踵十室九空已無存貨矣幸普通食料燃料尙可維持一時無何恐怖

二十、刀匪作彈時之情態 刀匪每於作戰前由大法師唸經念咒臨行每人喝涼水一碗蓋大法師豫將興奮藥劑投置甕內人飲之則五中焦燥狀類瘋狂臨陣時胸扎紅兜肚手持紅纓刀狂喊殺

！殺！！殺！！蓋刀匪以聲！色！氣！三種爲行軍密訣爲傳槍刀入以神其說

二十一、友軍高波旅團長之入城解圍 自匪困城始終不懈由雨而露由露而霜而雪雖逐漸撤退然此去彼來源源不絕四鄉田禾滿地刀匪不許刈割俾作若曹萑符窟十月中旬友軍高波旅團長帶日本兵一千五百餘人由吉蒞海全城民衆若大旱之望雲霓也蒞城第三日架設木橋偕傅團長轉向柳河通化兩縣掃蕩去訖沿路刀匪煙消霧滅未審潛伏何處兵法云迅如破竹正此謂也迨人民回鄉收割禾稼已隆冬盛雪呵氣成冰實空前未有之浩劫也二十二、棄械歸農予以自新證 城圍解除省方派遣渡部視察

團（各廳科長屬官）乘用飛機來縣視察關於賑濟宣撫及戰地難民均料理就緒始聯袂轉他縣去各地刀匪棄械歸農由縣發給自新証予以自新之路語曰政尚寬大此次有焉

二、山城鎮

一、于司令官桿衛邊疆 于司令官芷山坐鎮山城控制東邊刀匪逼近山城屢被擊退一日早四時許于司令官自帶衛兵數人赴該鎮東南門外查防忽城防被匪衝破連長正欲脫逃不期與司令官遇詢得其情急率衛兵開槍迎擊正酣戰間紛紛退却事後查知爲已譁變王玉璽率隊夾擊匪不支狼狽而去此役司令官躬親督陣挽回士氣不少設當時司令官不巡城瞭哨則全鎮生靈無噍類

矣該鎮警察分局長陳冠英於刀匪攻鎮時亦出力不少

三、朝陽鎮

一、陳劉兩會長盡瘁桑梓 查朝陽一鎮收容金輝殘餘警團四百餘人兩縣縣長亦僑居焉此外駐陸軍一營友軍上田一中隊約一百餘人第九區行政警察五十餘人共一千餘人鎮外挖掘戰壕分兵布防車站西山巔已爲刀匪佔踞居高臨下時向城中發彈幸友我兩軍軍官同心協力調度有方卒將刀匪擊出境外厥功甚偉商會會長陳鴻章副會長劉毓齡急公好義任俠尙廉素爲東邊經濟界之泰斗刀匪弄禍心實銜之關於械彈之補充給養之供應無不破家抒難自我而先一切支應均由兩君担任警察分局長傅鴻

治掌握警權因應得法亦警界不可多得之人也該鎮危如累卵安如磐石皆兩公支持之力有以致之厥後匪首姜樹奎盤踞該鎮擁衆乞降因人多品雜終被繳械

綜觀守城諸戰蹟大而關乎國家安危小而繫諸地方治亂蓋當時國都四週匪患瀰漫設遷都南下時局日非初匪首王鳳閣擬衝破路綫直搗新京南與通桓聯合北與濱黑呼應一舉而下新京實有可能性不意師次海龍忽被要遮血戰經秋一籌莫展久之筋疲力盡事與願違徘徊歧路不知稅駕何所迨友軍壓境棄械者棄械歸農者歸農從此金甌無缺玉燭常調世界樂園白海而闢其最遺憾者海龍守城功居首要如上聞樞府則論功行賞應列前茅至今戰

功湮沒表彰無聞識者惜之

四海山陷山城鎮

本縣管下山城鎮當奉吉交通要衝握通柳物產特權爲東方饒有聲價之巨埠康德二年秋九月七日晚十鐘突有巨匪四海山擁衆四百人潛自七區大荒溝於刁斗夜肅時由東南門侵入山城鎮六間房適與守壕警團相接觸當場將警士白景泰擊斃長驅直入行拔萬全豐商號迤東知街內豫有防備乃由南街魚貫西行在前者爲戰鬥匪居中者爲劫搶匪殿後者爲工作匪聞侵入時先將電報電話電燈各杆線均予切斷其破壞用器皆匪豫行携入該匪首以西集廠子爲行搶目的地初於北巷口向東施放排槍意在示威餘

匪於該巷內肆行綁掠計綁去人票二十三名逃回者十五名臨行縱火燃燒共焚燬家屋二百餘間統計全市損失三十萬元當時憲兵隊隊長開礮轟擊恐民匪莫辨玉石俱焚故一發而未再發惟守備隊探明匪之來途去徑乃遣兵乘車（自働車）繞至六間房迎頭痛擊匪懾於皇軍權威乃喚令夥匪滿載財物尋由南關奪門而出瀕行火光四照以阻追兵蓋盜匪慣技每至一地先之以火繼之以彈人心浮動藉此以緩追兵夫深夜舉火家屋被焚匪去則去孰尙窮追爲急其所急計莫不先止燎而後追寇此智也非愚耳事後偵知四海山與蘇子餘向爲合流匪在未肇事前聞在大荒溝開會討論攻取山城鎮計畫當時決議於九月八日夜間攻入該鎮原議海

幫爲先鋒蘇幫爲後盾詎蘇有（海山兄能擔當此大任否）之一語
海山唯唯乃於七日夕孤軍深入不乞蘇援八日回山麓晤蘇曰固
若山城我已一擊而破矧有駐屯友軍其收功不更難哉蘇語塞旋
於月之十二日蚤蘇率匪攻破南山城子幸被駐屯友軍擊出未受
若何損害亦寇之厄民之福也此次山城子之陷落若無守備憲兵
兩隊急切支援恐彈丸一鎮淪爲焦土一片矣今四海山已就殲滅
蘇子餘老死綠林海清接壤已無匪跡洵友我兩軍防之密而剿之
嚴也本年東邊道地區已入康莊靜態地方軍警始由安甯途中而
歸於本格工作云